

萬
氏
女
科

馬氏家藏女科原本

羅田萬 全密齋先生著

山陰何應豫立先氏增訂

凡增改者較原本低三字以便分別此書相傳已久集中一仍其舊不敢擅改然以訛傳訛不能無疑者附記於後以質明者

第一卷目錄

濟陰賦

立科大概

調經章

總論五條

不及期先行

過期後行

一月再行

數月一行

或前或後行

經候腹痛

或多或少

紫色淡色

經閉不行

石痕

附

腸覃

附

崩漏章

崩

漏

經血妄行

赤白帶下

白濁白淫白帶辨

種子章

一十三條

胎前章

論胎養

妊娠惡阻

胎動不安

漏胎

增宿血不運
反類於瘀

妊娠傷寒

增疫症方論

妊娠中風

增中惡

妊娠中暑

妊娠中濕

妊娠咳嗽

增方論

妊娠瘧疾

增方論

妊娠霍亂

改

妊娠泄瀉

增方論

妊娠痢疾

增方論

子懸

增方論

子煩

增方論

子癰

增方論

子腫

增方論

子氣

增方

子滿

增方論

子淋

增方

子鳴補

妊娠傷食

妊娠頭痛

妊娠目鼻喉舌諸病

妊娠瘡毒增孕癰

雜症壯若邪祟暴暗不語增諸血

症譌語 臍燥

痘疹氣喘不得臥

胎死病喘遺尿

轉胞子瘖

八月章增方論

臨產須知七條

論難產七條增方論

催生四法增方論

救逆產

救橫產

救側產

救礙產

子死腹中

盤腸生

胎衣不下

以上各增方論

產子迷悶不啼

分娩禁忌

添

產後章

產後血暈

增方論

產後子宮脫出

產後妄見鬼神

產後心痛

增方論

產後脹滿嘔吐

增方論

產後口乾痞悶

產後口乾渴兼小便短少

立增

產後咳嗽

增方論

產後氣急喘促

增方論

產後腰痛

產後徧身痛

增方論 增 勞

產後腹痛小腹痛

增方論

產後兒枕痛

增方論

產後頭痛

產後發熱

增方論

產後寒熱似瘧

增方

產後瘧

產後渴

產後汗不止兼變症

增方

產後中風

增方論 附類中風

子癇誤認傷寒

怔忡驚悸煩燥

增

麻瞽增

產後傷寒

產後霍亂吐瀉

產後泄瀉增方論
並遺尿

吐衄鼻黑氣舌黑增

三衝論增

產後痢附利鮮血

產後大便閉澀增方論

產後小便不通

產後淋增方論

產後溺血

產後小便數及遺溺

增方論

產後咳逆增方論

產後浮腫

產後惡露不止增方論

產後惡露不下

增方論

產後昏眩

產後脇痛

增方論

產後不語寒澁

產後暴崩

產後血塊血痕

產後玉戶不斂

增方論

乳汁不通

增乳溢

乳巖

增

乳懸

增

萬氏女科卷之一

羅田萬 全密齋著

立科大概

夫男女均稟天地之氣以生。有生之后。男則氣血俱足。女則氣有餘而血不足也。至於受病。外感內傷之症。未嘗不同。但女則別有調經。胎前產後之治。此所以更立一科也。調經專以理氣補心脾爲主。胎前專

以清熱補脾爲主。產後專以大補氣血兼行滯爲止。
此婦人科調治之大畧云。

濟陰賦

陰陽異質。男女殊科。特立專門之證治。以救在室之
沈疴。因其血之虧也。故調之必使流通。因其氣之盈
也。故抑之。不使鬱遏。體本嬌柔。性最偏頗。肥白者多
痰。瘦黑者多火。胃太過者氣結。養不足者血涸。專寵
愛者。治合異乎。孤冷。飢寒者。療莫同於。葵藿。月事。

時下兮。如潮汐之應期。血海常滿兮。似江漢之流波。
是皆無病。可以勿藥。或不及期而先來兮。氣有餘而
血易虧。或過期而後來兮。氣不足而血本弱。花氣淡
淡兮。由血室之水虛。桃浪紫色兮。被胞戶之火灼。經
未行而腹痛兮。氣滯血澁而可調。經已行而腹痛兮。
和氣養血而勿錯。或一月再行兮。邪火迫而氣血不
藏。或數月而一行兮。元氣虧而生化不多。是皆損真
之症。貴在調理之和。滿而不洩兮。爲經閉。爲血枯。爲

癥瘕。洩而不滿兮。爲崩中。爲帶下。爲漏濁。常滿者惡。
其中滿。常洩者慮其氣脫。脈惟喜於芤濇。診切忌乎。
洪數。或隱忍而病盛兮。愚婦自速其亡。妄攻補而病。
增兮。庸醫反助其虐。

經候旣調。男女可合。不出三日之期。宜踐應候之約。
乾闥坤闔。陽唱陰和。滴秋露於花枝兮。玉粒可結。鼓。
春風於桃浪兮。金鱗自躍。陰包陽兮。則丹桂發芽。陽。
包陰兮。則紅蓮吐萼。天地之大義。生民之本始。勿謂。

芻蕘之言。作詼諧而笑謔。

震風之喜有徵。妊娠之脈必確。尺數關滑而寸盛。陽搏陰別而雀躍。精神雖倦兮。桃腮更妍。飲食粗惡兮。天癸不落。無防惡阻之害。所慎漏胎之濁。熱常要清。脾不可弱。熱若盛兮。而胎動不安。脾若虛兮。而胎危易墮。惟以安胎爲本。其餘雜症。爲末。斯先拮之格言。宜後人之守約。

子懸急痛而勿疑。子癇卒倒而可愕。子滿胎肥而氣

壅。子瘡脾虛而氣弱。子煩。子淋。胎熱所爲。子腫。子
氣。胎水所作。子嗽。子痢。病轉劇而胎損。傷寒傷
食。痰苦多而成惡。常慘常笑。肺氣結而非崇。暴
啞不語。心血虛而勿藥。胎若肥而瘦。胎速進。脈怕
微而診脈休錯。

懷胎之後。禁忌不可少犯。臨產之前。戒慎乃爲要約。
預備藥物。審擇穩婆。禁諱去疑。恐產母之心動。居
安守靜。令產母之氣和。兒身未轉。坐草不宜太

早胞漿既破兮。使力未可太過。或逆或橫兮。在穩婆之妙手。若遲若留兮。係催生之聖藥。

醫藥之係匪輕。母子之命所託。差之毫釐。甚於水火。胞衣未下兮。取之有道。惡露未盡兮。去之勿過。血迷血暈兮。死生存乎呼吸。血脹血痛兮。攻擊戒乎揮霍。但以補虛爲主。莫因他病而訛。藥喜甘溫兮。切忌苦寒。脈宜和緩兮。最嫌洪數。

惡露各歸於臟腑。諸病若似乎障魔。頭旋而常見黑。

花兮乙木之病。聲啞而乍見鬼神兮。丁火之疴。臍下
痛而或淋或秘兮。溝瀆塞於汚淤。腹中痛而或脹或
腫兮。倉廩積乎陳莖。息逆而喘嗽不寧兮。因犯素天
之氣。腰痛而俯仰不利兮。乃衝元海之波。煩熱兮。責
其血去而陰虛。羸怯兮。知其蓐勞而氣弱。能詳察夫
症候。斯可議乎方藥。

經候不調兮。烏雞可投。天癸或阻兮。蒼莎宜託。地黃
補腎兼行。參朮養脾莫却。三補涼血兮。專治崩中之

藥補中煖官能固帶下之脫安胎胡連今在妊娠
爲最宜也。形症而休鑠黑神去惡露而
可取胎衣十全。而能除陰火臨病審症今請
觀設問之辭舉一該百今勿訝吾言之約吐露靈府
之珠璣掣開醫門之鎖鑰。

調經章

總論 五條

謹按經云女子二七而天癸至衝任滿盛月事以時

下。乃有子。故得其常候者爲無病。不可妄投調經之劑。苟或不及期而經先行者。或過期而經後行者。或一月而經再行者。或數月而經一行者。或經閉不行者。或崩者。或漏下者。此皆失其常度。不可不調也。大抵調治之法。熱則清之。冷則溫之。虛則補之。滯則行之。滑則固之。下陷則舉之。對症施治。以平爲期。如芩連梔柏。清經之藥也。丁桂薑附。溫經之藥也。參朮歸芪。補虛之藥也。川芎香附。青皮元胡。行滯之藥也。桂

蠟赤石脂棕櫚灰灰栢葉固滑之藥也。升麻柴胡荆芥白芷升舉之藥也。隨其症而用之。鮮有不效者矣。婦人經候不調有三。一曰脾胃虛弱。二曰衝任損傷。三曰脂痰凝塞。治病之工不可不慎。

脾胃虛弱者。經曰。二陽之病發心脾。女子不月。夫二陽者。陽明胃也。胃主受納五穀。長養血氣。灌溉臟腑。流行經隧。乃水穀之海。血氣之母也。惟憂愁思慮則傷心。心氣受傷。脾氣失養。鬱結不通。腐化不行。胃雖

能受。而所謂長養灌溉流行者。皆失其令矣。故脾胃虛弱。飲食減少。氣日漸耗。血日漸少。斯有血枯血閉。及血少色淡。過期始行。數月一行之病。

衝任損傷者。經曰。氣以噓之。血以濡之。故氣行則血行。氣止則血止也。女子之性。執拘褊急。忿怒妒忌。以傷肝氣。肝爲血海。衝任之系。衝任失守。血氣妄行也。又褚氏以女子血未行而強合。以動其血。則他日有難名之疾。故女未及二七天癸之期。而男子強與之。

合。或於月事適來未斷之時。而男子縱慾不已。衝任
內傷。血海不固。由斯二者。爲崩爲漏。有一月再行。不
及期而行者矣。

脂痰凝塞者。蓋婦女之身。內而腸胃開通。無所阻塞。
外而經隧流利。無所凝滯。則血氣和暢。經水應期。惟
彼肥碩者。膏脂充滿。元室之戶不開。據廣者。痰涎壅
滯。血海之波不流。故有過期而經始行。或數月而經
一行。及爲濁。爲帶。爲經閉。爲無子之病。

不及期而經先行

如德性溫和素無他疾者責其血盛且有熱也歸

身

川芎

各七分

赤芍

生地

酒洗

知母

麥冬

去心

地

骨皮

各一錢

甘草

五分

水煎空心服

如性急燥多怒多妒者責其氣血俱熱且有鬱也

歸身

川芎

白芍

條芩

炒

黃連

炒

香附

童便浸炒

物

并以上

生地

酒洗七分

生甘草

五分

水煎服

如形瘦素無他疾者責其血熱也四物湯加芩連四物

內用赤芍 芩 連俱炒各一錢 生甘草五分 水煎食前服兼服

三補丸和之

〔三補丸〕專治血熱 黃芩 黃連 黃柏俱炒 以上各等分

其為細末蜜丸白湯下

如形瘦素多疾且熱者責其衝任內傷也 歸身

白芍 熟地 人參 知母 麥冬去心各一錢 川芎

七分炙甘草五分 薑三片棗二枚為引水煎食前服更

宜常服地黃丸

〔地黃丸〕

治女子衝任損傷及胃虛血枯血少血閉之症

熟地

八兩

山藥

淨山萸肉

焙以上各四兩

白茯苓

去皮

牡丹皮

去木以上各三兩

蜜

九空心白湯下

如曾誤服辛熱煖官藥責其衝任伏火也

歸身

赤芍

生地

酒洗

黃柏

炒

知母

木通

去皮以上各一錢

川

芍

分七

生甘草

分五

水煎食前服更服三補丸和之

如形肥多痰多鬱者責其血虛氣熱也

歸身

酒洗八分

川芍

生地

薑汁炒各七分

陳皮

去牛夏

滾水泡各五分

白茯苓

生甘草名五條分芩炒香附童便黃連炒各薑引水煎服

經過期後行

如德性溫和素無他疾者責其血虛氣少也八珍湯

主之即四物湯合人參白朮土茯苓生甘草

歸身酒洗地黃酒拌白芍川芎以上各薑三片

大棗三枚去核水煎食前服

如性急燥多怒多妒者責其氣逆血少也八珍湯加

香附主之。

前方加香附

童便浸炒

青皮

各等分

水煎服

兼常服蒼莎丸以調之

〔蒼莎丸〕

和中開鬱

蒼朮

米泔浸

香附

童便浸各一

條

芩

一兩

酒炒共為細末酒蒸餅為丸白湯下

如形瘦素無他疾者。責其氣血俱不足也。十全大補

湯主之。治氣血兩虛。脾胃不足。

即八珍加肉桂黃耆

人參

黃耆

蜜炒

白朮

土炒

白茯苓

甘草

炙

歸身

酒洗

川芎

白芍

酒炒

生地

酒洗以上

各一錢

肉桂

五分

薑棗引煎服如前

如形瘦食少。責其脾胃虛弱。氣血衰少也。異功散加

當歸川芎主之。補脾胃。進飲食。養氣血。人參

白朮土炒白茯苓 炙甘草 陳皮 歸身酒洗川芎各一錢

薑棗引兼服地黃丸

如肥人及飲食過多之人。責其濕痰壅滯。軀脂迫塞

也。六君子加歸芎主之。人參 白朮土炒茯苓

炙甘草 陳皮白去半夏湯泡七次薑炒歸身酒洗川芎 香

附童便浸炒薑引兼服前蒼莎丸

如素多痰者。責其脾胃虛損。氣血失養也。用參朮大

補丸兼服地黃丸。

參朮大補丸即參朮白朮散加歸芎

人參五錢 白茯苓

苓

白朮

土炒

蓮肉

去皮

陳皮

歸身

各七錢半

山藥

一兩

炙甘草

三錢

砂仁

炒

川芎

石菖蒲

各五錢

以上其

爲細末。荷葉包米煮飯爲丸。米飲下。

一月而經再行。

如性急多怒者。責其傷肝。以動衝任之脈也。四物加

柴胡湯主之。

歸身

酒洗

川芎

白芍

生地

柴

胡人參 條芩 生甘草 黃連 煎服更宜

常服補陰丸以瀉衝任之火

〔補陰丸〕

黃柏

炒褐色

知母

去皮

等分蜜丸每服五十

粒

張純云補陰丸不及六味丸加柴胡白芍

如曾服辛熱藥者四物湯加黃柏知母及三補丸主之。

如曾傷衝任脈者四物湯加人參知母麥冬及地黃丸主之。

數月而經一行

瘦人。責其脾胃虛。氣血虛也。十全大補湯及地黃丸。

主之。肥人。責其多痰。兼氣血虛也。六君子加蒼莎。

導痰丸主之。人參 川芎 半夏泡各七分 甘草五分

白朮 白茯苓 陳皮去白 蒼朮米泔浸 歸身酒洗 香附

童便浸 枳殼各一錢 薑引

〔蒼莎導痰丸〕 蒼朮米泔浸焙 香附童便浸焙 陳皮去白

白朮去皮各一兩五錢 枳殼炒 半夏泡七次 南星炮去臍 甘草

炙各一兩 生薑自然汁浸餅爲丸 淡薑湯下

經行或前或後

悉從虛治。加減八珍湯主之。人參 白朮 茯苓

歸身 川芎 白芍 酒炒甘草 炙陳皮 丹參

香附 童便浸 牡丹皮 各一錢 薑棗引水煎服更宜常服

丸藥

烏雞丸

專治婦人脾胃虛弱衝任損傷血氣不足經候不調不生育者服之屢驗 白烏

骨雄雞一隻要未斂者先以粳米餵養七日勿令

食蟲螳野物勒殺去毛去雜細以一斤為率用生

地熟地天冬去心各二兩麥冬去心各二兩安放雞腹內甜

美醇酒十碗沙礮煮爛取出以桑柴火焙去藥酒

以餘酒淹盡焙至焦枯研羅為末外再加人參

炙甘草肉蓯蓉酒洗補骨脂炒小茴炒砂仁以上各一

兩杜仲鹽水炒歸身川芎白朮丹參白茯

以上各香附醋浸三日焙四兩其細研和上末酒調麪糊

為丸每空心溫酒或米飲下五十丸

經候腹痛

凡經將行。腰脹腹痛者。氣滯。且實也。桃仁四物湯主

之。歸尾 川芎 赤芍 丹皮 香附醋炒 元胡

索各一錢 生地 紅花各五分 桃仁二十五粒研 水煎服如

瘦人責其有火。加黃連 黃芩炒各一錢 肥人責其有

痰。加枳殼炒 蒼朮米泔浸各一錢

凡經行過後。腹中痛者。虛中有滯也。加減八珍湯主

之。人參 白朮 茯苓 歸身 川芎 白芍

生地 香附

醋炒各一錢

青皮

七分

炙甘草

木香

各五

分薑棗引

經水多少

瘦人經行少者。責其血虛少也。四物加人參主之。

人參

歸身

川芎

白芍

生地

香附

童便浸

炙甘草

各一錢

薑棗引

肥人經行少者。責其痰凝經隧也。二陳加芎歸主之。

陳皮

白茯苓

歸身

川芎

香附

童便浸

枳殼

各炒

錢半夏泡七次 甘草五分 滑石二錢 薑引

凡經行太多者不問肥瘦皆屬熱也。四物加芩連主

之。歸身 白芍酒洗 知母 熟地 條芩 黃連

錢各一 川芎 生地各五分 黃柏七分 煎服藥用三補丸

經水紫色淡色

色紫者熱也。四物加香附黃連主之。歸尾 川芎

赤芍 生地 香附童便浸 黃連炒 生甘草

丹皮各一錢 煎服

色淡者虛也。八珍湯主之。人參 白朮 白茯苓

歸身 川芎 白芍 熟地 黃耆 香附

童便浸各

錢一炙甘草五分薑棗引更常服地黃丸

已上各方並宜於經行時連進十餘劑則下次經候自不愆矣若丸藥則宜久服乃效

經閉不行

經閉其候有三脾胃傷損飲食減少氣耗血枯而不行者法當補其脾胃養其血氣以待氣充血生經自

行矣。若妄用通經之劑。則中氣益損。陰氣益乾。致成癆瘵。而不可救。所謂索千金於乞丐。釜楚日加。徒斃其生而已。有憂思怨怒。氣鬱血滯。而經不行者。法當開鬱氣。行滯血。而經自行。苟用補劑。則氣得補而益結。血益凝聚。致成癥瘕脹滿之疾。所謂養虎自遺患也。有軀脂迫塞。痰涎壅滯。而經不行者。法當行氣導痰。使經得行。斯謂良工矣。

如因脾胃損傷。血枯不行者。加減補中益氣湯主之。

人參

白朮

各二錢

炙黃耆

柴胡

各七分

炙甘草

五分

歸身

白芍

酒洗

川芎

陳皮

各一錢

神麴

炒

麥芽

各炒

五薑棗引宜更服前參朮大補丸烏雞丸以經行

為度

如因氣鬱血閉而不行者開鬱二陳湯主之陳皮

白茯苓

蒼朮

香附

童便浸

撫芎

各一錢

半夏

泡

青皮

莢茂

煨

檳榔

各七分

甘草

木香

各五分

薑引更服

四製香附丸以經行為度

〔四製香附丸〕

香附

淨一斤杵作四分酒醋鹽水
重便每分各浸三日焙研

天台烏藥

八兩

共爲極細末醋糊爲丸白湯下乃婦

人常用之要藥也。

如因痰者用前蒼莎導痰丸主之更服上開鬱二陳

湯去莪朮加枳殼

錢一

有晚嫁之女失寵之妾寡居之婦庵院之尼欲動而
不能遂感憤而不得伸多有經閉之疾含羞強忍
不欲人知致成癆瘵者宜四製香附丸參朮大補

丸。攻補兼行。庶乎可瘳。

立按此七情之變。非藥能治其心也。

有經閉不行。骨蒸潮熱。脈虛者。增損八物柴胡湯主

之。人參 白茯苓 歸身 生地 白芍酒洗 麥冬

去知母 北柴胡各一錢 炙甘草五分 淡竹葉十五片 有

汗加地骨皮酒洗 無汗加牡丹皮各一錢 煎服。凡婦人

血虛有熱者皆可用。如熱甚服此不平者。加黑乾

薑一錢 神效

有經閉發熱咽燥唇乾脈實者四物涼膈散主之

歸身

川芎

赤芍

生地

黃芩

酒炒

黃連

酒炒

山

梔

酒炒

連翹

桔梗

各一錢

甘草

生

薄荷葉

各五分

淡竹

葉

十片

凡血實形盛脈有力者皆可服

附論異症

石痕

石痕者因行經時寒氣自陰戶而入客於胞門以致經血凝聚月信不行其腹漸大如孕子狀壯盛者

半年後小水長而消矣。若虛怯人必成腫病。溫經
湯主之。歸身梢 川芎 赤芍 莪朮 煨川牛
膝 補骨脂炒 小茴炒 人參以上各一錢 甘草炙五分 薑
棗引更宜類服香附丸。

腸覃

腸覃者。因經行時寒氣自肛門而入。客於大腸。以致
經血凝滯。月信雖行而血却少。其腹漸大如孕。予
形按之則堅。推之則移。爲胎漏狀。壯盛者半年後。

氣旺而除虛怯人必成脹病桂枝桃仁湯主之

桂枝

檳榔

各一錢

白芍

酒炒

生地

酒洗

枳殼

麩炒各一錢

桃

仁

去皮尖廿五粒

炙甘草

五分

薑棗引更宜常服四製香附

丸

以上二症載靈樞經人罕知者特表而出之

崩漏章

崩

崩中之病皆因中氣虛不能收斂其血加以積熱在

裏迫血妄行。故令經血暴下而成崩中。崩久不止。遂成漏下。昔人云。崩中日久爲白帶。漏下時多腎水枯也。治有三法。初止血。次清熱。後補虛。未有不全者矣。凡初得崩中暴下病者。宜用止血之劑。乃急則治其標也。四物湯調服十灰散。以血止爲度。藕節 蓮

房 艾葉 棕櫚 大小薊根 側柏葉 乾薑

油髮 以上十味各燒存性爲灰等分和勻。每服三錢。不善服者。或用醋煮糯米粉爲丸。梧桐子

大每服百丸血止卽服清熱之劑用涼血地黃湯

生地

當歸

各一錢

黃連

黃柏

知母

梔本

川芎

升麻

各五分

柴胡

羌活

防風

各七分

黃芩

炙甘草

細辛

荊芥穗

炒黑

蔓荊子

各四分

紅花

錢一煎服如未盡再服十灰丸

血已止裏熱已除宜用補中之劑加味補中益氣湯

主之

炙黃耆

人參

白朮

陳皮

歸身

白芍

酒炒

熟地

各一錢

炙甘草

白茯苓

升麻

柴胡

知母

黃柏

炒各五分

薑棗引更宜晨服地黃丸夕

服參朮大補丸以平為期

漏

凡崩久成漏連年不休者中氣下陷下元不固也宜

用前加味補中益氣湯兼服鹿角霜丸鹿角霜

柏子仁

去壳炒

歸身

茯神

龍骨

煨

阿膠

蛤粉炒成

珠各川芎

七錢

香附

醋製二兩

炙甘草

五錢

川續斷

一兩五錢

共為末研山藥

五兩

作糊為丸每空心溫酒下

五十九

經血妄行

如經血妄行。或吐血唾血。口內血腥。用前四物涼膈散。加生地自然汁服之。

赤白帶下

帶下之病。赤者屬熱。兼虛兼火治之。白者屬濕。兼虛兼痰治之。年久不止者。以補脾胃爲主。兼升提。大抵瘦人多火。肥人多痰。要知此候。

赤帶用前四物。加芩連湯。再加升麻丹皮主之。兼服

三補丸

白帶用加味六君子湯主之。陳皮 半夏泡 蒼朮

米泔浸 人參各一錢 白朮一錢 白茯苓一錢 炙甘草七分

麻 柴胡各五分 薑引兼服蒼朮導痰丸

帶从不止專以補虛為主。宜十全大補湯去地黃加

陳皮半夏乾薑炒 更服參朮大補丸以補脾胃之

虛服補宮丸以固下元之脫

補宮丸 鹿角霜 白茯苓 白朮 白芍酒洗 白芷

牡蠣煨 山藥

龍骨煨

赤石脂各等分

乾薑減炒

半醋糊丸空心米飲下

白濁白淫白帶辨

白帶白濁白淫症既不同治亦有別白帶者時常流

出清冷稠粘此下元虛損也用上帶久不止法治

之白濁者隨小解而來渾濁如泔此胃中濁氣滲

入膀胱也加味二陳湯主之陳皮半夏范白

茯苓白朮蒼朮米泔浸益智仁鹽炒杵末炙甘草各一錢

五升麻 柴胡分七 薑引 白淫者。常在小便之後。而來亦不多。此男精不攝滑而自出。不須治。

白帶治法。用銀杏三升。酒煮熟。去膜去心。晒乾爲末。

每白湯下二錢。

溫經湯

婦人行經時連服三劑能成孕

陳皮

半夏

生地

各一錢

歸

身尾

二錢 香附

半錢 川芎

白芍

紅花

秦艽

烏

藥

各八分

木通

二分

青皮

七分

薑引

水煎服

種子章

無男女。乾坤或幾乎息矣。男女配匹。所以廣嗣。厥係
匪輕。生育者。必陽道強健而不衰。陰癸應候而不愆。
陰陽交暢。精血合凝。而胎元成矣。若陽衰不能下應。
乎陰。陰虧不能上從乎陽。陰陽乖離。是以無子。雖天
命有定。抑亦人事之未盡與。

種子者。男則清心寡欲。以養其精。女則平心定氣。以
養其血。補之以藥餌。濟之以方術。是人事所當盡也。
何謂男貴清心寡欲。蓋形樂者易盈。志樂者易蕩。富

貴之人。不知御神。則傷必傾。不知御形。則盈必虧。此清心寡欲。爲男子第一緊要也。何謂女貴平心定氣。蓋女子以身事人。而性多燥。以色悅人。而情多忌。稍不如意。卽憂思怨怒。憂則氣結。思則氣鬱。怨則氣阻。怒則氣上。血隨氣行。氣逆血亦逆。此平心定氣。爲女子第一緊要也。藥餌維何。男子宜服地黃丸。以補左腎之陰。加杜仲、菟蓉、巴戟、補骨脂、沈香。以補右腎之陽。女子宜服烏雞丸。以養其氣血。調其經候。斯爲得。

理若彼桂附丹石動氣耗陽損血消陰之劑一切遠之何謂濟之以方術如種子之歌素女之論是也宜博求之。

女人無子多因經候不調藥餌之輔尤不可緩若不調其經候而與之合徒用力於無益之地此調經爲女人種子緊要也。

如肥盛婦人稟受甚厚及恣於酒食之人經水不調不能成胎蓋因軀脂滿溢閉塞子宮宜行溼燥痰用

前蒼莎導痰丸。四製香附丸。

如瘦怯性急之人。經水不調。不能成胎。蓋因子宮乾澁。無血。不能攝受精氣。宜涼血降火。用地黃三補丸調之。

如素有濁漏帶下之人。經水不調。不能成胎。蓋因下元虛憊。不能聚血受精。宜補虛澁脫。用前烏雞補宮丸調之。

種子歌云。三十時辰兩日半。二十八九君須算。落紅

滿地是佳期。經水過時空霍亂。霍亂之時枉費工。樹
頭樹底覓殘紅。管取芳花能結子。何憂丹桂不成叢。
蓋言經水未行之時。血海正滿。子宮未開。不能受精。
成孕。經水既行。則子宮開。血海淨。斯能受精。然亦自
經初行之時。計算至三十個時辰。足恰兩日半。欲種
子貴當其時。故一日二日三日交。多生男。四日五日
六日交。多生女。七日後子宮復閉。徒勞無益矣。
婦人陰質。取象於月。若自朔至望。經水行不失其候。

者。結胎易。生子多壽。以月光漸生。月輪漸滿也。若自望至晦。經水行。或失其期者。胎難結。生子多夭。如月光漸消。月廓漸空也。此造化之理。可爲知者道耳。

素女論中。男有三至。女有五至。如男至而女未至。玉體纔交。瓊漿先吐。雖能下應乎陰。而陰不從也。如女至而男未至。則桃浪先翻。玉露無滴。雖能上從乎陽。而陽不應也。所以無子。此氣至者。亦有先後男女之別。如陽精先至。陰血後參。則精開裏血而成女。陰血

先至陽精後衝則血開裏精而成男故卜書云陰包陽則桂庭添秀陽包陰則桃洞得仙此之謂也

何謂男有三至蓋陰痿而不舉肝氣未至也舉而不堅腎氣未至也堅而不熱心氣未至也肝氣未至而強合則傷肝其精流滴而不射腎氣未至而強合則傷腎其精散漫而不粘聚心氣未至而強合則傷心其精冷而不熱此男子之所以無子貴乎清心寡欲以養肝腎心之氣也

何謂女有五至。蓋交感之時。面赤而熱。心氣至也。目中涎瀝。微暄視人。肝氣至也。嬌聲低語。口鼻氣喘。肺氣至也。伸舌吮唇。以身偎人。脾氣至也。玉戶張開。瓊液流出。腎氣至也。五氣皆至而與交。則情洽意美。陽施陰受。有子之道也。

男女無疾。交會應期。三虛四忌。不可不避。三虛者。天地晦冥。日月薄蝕。雷電風雨。晦朔弦望。天之虛也。地震土陷。山崩水溢。地之虛也。憂怒悲恐。醉飽勞倦。人

之虛也。犯此三虛。則交而不孕。孕而不育。疾病且生。爲身之災也。四忌者。一忌本命正衝。甲子庚申。滅沒休廢之日。二忌大寒大暑大醉大飽之時。三忌日月星辰。寺觀壇廟。竈厠塚墓之處。四忌觸忤煩惱。罵詈擊搥之事。犯此四忌。不惟令人無子。且致死也。

凡種子者。當應候之時。男服補腎益精之藥。女則調飲食。淡滋味。避寒暑。至於夜半生氣乘旺之時。依上三至五至。三虛四忌行之。自然交而必孕。孕必有成。

矣。

胎前章

論胎養

十一條

婦人受胎之後。所當戒者。曰房事。曰飲食。曰七情。曰起居。曰禁忌。曰醫藥。須預先調養。不可少犯。致傷胎難產。且令子多疾。悔無及矣。

古者婦人有孕。卽居側室。不與夫接。所以產育無難。生子多賢。亦少疾病。今人不知禁忌。縱情恣慾。有身

動胎氣而墮者。有胎肥碩而難產者。有敗精凝裹而礙產者。有生子多疾。痘瘡稠密者。皆由不謹之過也。受胎之後。最宜調飲食。淡滋味。避寒暑。常得清純和平之氣。以養其胎。則胎元完固。生子無疾。今爲婦者。喜啖辛酸煎炒肥甘生冷之物。不知脾胃受傷。胎則易墮。寒熱交雜。子亦多疾。況多食酸。則傷肝。多食苦。則傷心。多食甘。則傷脾。多食辛。則傷肺。多食鹹。則傷腎。隨其食物。傷其臟氣。血氣筋骨。失其所養。子病自

此生矣。又如食兔肉。則兒缺唇。食羊肉。則兒多白睛。食犬肉。則兒聲暗。之類。皆有明驗。所宜禁戒。

古有胎教。凡視聽言動。莫敢不正。喜怒哀樂。莫敢不慎。故生子多賢。此非賢母不能也。蓋過喜則傷心。而氣散。怒則傷肝。而氣上。思則傷脾。而氣鬱。憂則傷肺。而氣結。恐則傷腎。而氣下。母氣既傷。子氣應之。未有不傷者也。其母傷。則胎易墮。其子傷。則臟氣不完。病斯多矣。盲聾暗啞。癡呆顛癇。皆稟受不正之故也。

受胎之後。常宜行動。使血氣流通。百脈和暢。自無難產。若好逸惡勞。貪臥養嬌。則氣停血滯。臨產多難。況行立坐卧之人。爲筋骨肌膚之傷。子在腹中。氣通於母。必有傷者。又勿登高。勿臨深。勿越險。勿負重。少有觸犯。其胎必墮。

婦人懷胎。欲其生男。賢則令觀書史。操弓矢。欲其生女。美則令觀鸞鳳牡丹。凡忌食之物。忌用之藥。不可輕犯。逐月胎神所占之物。不可觸犯。以致墮胎。睡卧

之處。要人護從。不可獨寢。邪氣易侵。虛險之處。不可往來。恐其墜跌。

好娠在於清熱養血。條實黃芩爲安胎聖藥。清熱故也。置水中取沉者爲佳。俗人不知。以爲害而不敢用。又謂溫經之藥可養胎氣。誤人多矣。

養胎全在脾胃。譬之鐘懸於梁。梁軟則鐘下墜。梁斷則鐘下墜。故曰充補脾爲安胎要藥。胎中痛者。非經破不止。必連壳者。搗碎用之。

妊娠七箇月以後須用枳壳大腹皮則易產行氣開滯故也。

孕婦有疾只以和胎安胎爲本。所感外傷內傷之症以末治之。

醫孕婦必擇請專門。平日無失者。若未試之醫。有毒之藥。不可輕用。貽悔。又不可妄用針灸。以致墮胎。

妊娠惡阻

惡阻者。謂有胎氣。惡心。阻其飲食也。其症顏色如故。

脈息和平。但覺肢體沉重。頭目昏眩。擇食惡聞食氣。好食酸鹹。甚者或作寒熱。心中憤悶。嘔吐痰水。胸膈煩滿。恍惚不能支持。輕者不服藥無妨。乃常病也。重者須用藥調之。恐傷胎氣。專主行痰。以二陳湯爲主。但半夏有動胎之性。不可輕用。

立按如果痰盛。酌量用之。亦不妨。所謂有病以病受之也。

肥人專主治痰。半夏茯苓湯主之。卽二陳湯加砂仁。

也

陳皮

半夏

湯泡七次炒黃各錢半

茯苓

錢一

甘草

五分砂

仁八分

薑棗引加烏梅半個水煎食遠服再加白朮

錢半尤妙

又二陳湯加桂枝甚效

立按再惡阻甚者甘草宜忌

瘦人兼痰兼熱人參橘皮湯主之

人參 陳皮

白朮

各一錢

茯苓

厚朴

薑炒各錢半

麥冬

七分甘草五分

薑引加竹茹一團水煎食遠服再加黃芩尤佳

惡阻甚不能食者保生湯主之

人參 甘草 砂

女科全書 卷一 月信 三

仁炒研各一錢 白朮 香附童便製 烏梅 陳皮各錢半 薑

引水煎食遠服

胎動不安

如脾胃素弱不能管束其胎氣血素衰不能滋養其

胎不拘日月多少而常墮者安胎飲主之更服杜

仲九胡連九尤佳一安胎飲 條實黃芩 白朮

人參 歸身 生地 陳皮 白芍各一錢 砂仁

連壳炙甘草各五分 薑棗引食前服

杜仲丸

治胎動不安防其墮者宜服之杜仲薑汁炒川續斷酒洗各二兩

共為極細末杵熟棗肉和丸每用米飲下三十丸
宜與胡連丸同服

保孕丸

杜仲 用糯米炒去絲以山藥糊

丸治妊婦腰背痛苦於小產

胡連丸

安胎之聖藥也條芩沉水者四兩白朮無油者蓮肉去心各二兩

兩砂仁

微炙甘草各一兩共為末用山藥五兩作糊

為丸米飲下

上二方一日二服食前服胡連丸空心服杜仲丸

如因房事過度觸動不安者。四物去川芎。加砂仁。阿膠主之。歸身。熟地。阿膠各一錢。甘草炙。砂仁各五分。加竹茹水煎。調男子難精。灰一錢服。更禁房事。免致再障。

如因七情觸動胎氣不安者。加味四物湯主之。歸

身

白芍

生地

俱酒洗各一錢

川芎

八分

上係本方

因怒傷肝者。主胞絡本方加黃芩

一錢五分

人參

柴

胡

甘草

各一錢

〔憂悲傷肺者〕本方加黃芩 阿膠 蘇葉各一錢

炙甘草五分 五味子十三粒

因恐傷腎者主胞胎本方加川續斷 黃柏炒

杜仲炒各一錢 五味子十五粒 本方內生地改用熟地

因思慮積久不解傷脾者本方加白朮一錢五分 人參

陳皮 香附各一錢 炙甘草五分

因喜樂太過傷心者本方加條芩 黃連 白朮

麥冬各一錢 炙甘草五分

如因跌撲觸動者。安胎和氣飲主之。歸身 白芍

各一錢 白朮 黃芩 蘇葉 各一錢 炙甘草 砂仁

各五分 薑棗引食前服

如因犯胎神所占方位。胎動不安者。用上安胎和氣飲。如見血動。可加阿膠艾葉。以上二症同。

立按妊娠血聚而成胎。少遇邪。或觸犯。則所聚之血。將宿而不運。反類瘀惡。予治此症。近日甚多。必生新開陳。然後胎可養也。養胎不

惟在血、必須補腎以固精、調胃以和中、每遇此症、但用白朮散方藥四味、蓋白朮能調胃、蜀椒開痺、痺開則陽精至、牡蠣治崩、崩止則陰精固、川芎入血海、運動胎血、破舊生新、如或陰血不利、肝木爲害、在內抑屈而痛者、搗以芍藥之酸寒、以通其陰、設或直衝過而痛者、散以芎藭之辛溫、以通其陽、隨病加減、再以八物增損調之、

漏胎

漏胎者。謂既有孕。而復下血也。女子之血。在上爲乳汁。在下爲經水。一朝有孕。而乳汁經水俱不行者。聚之子宮。以養胎也。今復漏下。則是氣虛血虛。胞中有熱。下元不固也。法當用四君子以補其氣。四物以補其血。黃芩黃柏以清其熱。艾葉以止其血。杜仲續斷以補下元之虛。未有不妥者矣。增損八物湯主之。

人參 白朮 歸身 白芍 熟地 艾葉 條

芩

黃柏

知母

阿膠

炙甘草

各等分

薑棗引

水煎食前服兼用前杜仲丸

妊娠傷寒

妊娠傷寒專以清熱和胎為主。各隨六經所見表裏之症治之。務宜謹慎。不可與常病傷寒同治。以致損胎。誤其母子性命也。此予家傳之秘。宜珍重之。

凡得傷寒。勿拘日數。但見惡寒頭痛發熱。卽病邪在表也。宜用四味紫蘇和胎飲為主。蘇葉 條芩

白朮各一錢五分 甘草一錢 上係本方

如惡寒頭痛項強腰脊痛此病在太陽經本方加羌

活 藁本 川芎 防風各一錢 連鬚葱三莖 薑引水

煎熱服以厚衣被覆之得汗即解

如惡寒却不發熱只頭痛鼻乾或項強此病在陽明

經也本方加白芷 防風各一錢 蔥白三根 淡豆豉一撮

煎服汗出自解

如寒熱往來頭眩或嘔或心下煩或胸脇滿此病在

少陽經也。本方加柴胡

人參

各一錢

嘔加半夏

七分

胸脇滿加枳壳

桔梗

各一錢

頭眩加川芎

一錢

薑棗

引

如惡熱惡寒咳嗽甚者病在手太陰經也。本方加麻

黃

去根節

杏仁

各一錢

蔥白

去根

薑引水煎食後服得汗

而解

如惡寒無熱腹中痛吐瀉不渴手足逆冷者病在足

太陰脾經也。本方加人參

乾薑

炙

白芍

酒炒各一錢

薑棗引水煎熱服

如惡寒倦卧發熱手足冷者病在足少陰腎經也本

方加獨活熟地細辛各一錢生薑大棗引熱服

如惡寒手足厥冷唇口青遍身痛如被杖頭項顛頂

痛者病在足厥陰經也本方加歸身酒洗吳茱萸炒羌

活細辛各一錢連鬚蔥三根薑引熱服

凡得傷寒勿拘日數但無惡寒無頭痛只發熱口燥

咽乾而渴者此病邪在裏用黃龍湯為主各隨所

見之症加減治之。柴胡 人參 甘草 黃芩

各一錢 上係本方

如發熱口渴小便不利者此在手足太陽小腸膀胱

腑病也。本方加白朮一錢五分 豬苓 澤瀉 赤茯苓

木通各一錢

如發熱大渴者病在手足陽明胃與大腸也。本方加

知母一錢 石膏二錢 梔子碎 淡竹葉十五片 粳米一撮 煎服

如大熱大渴煩燥大便不通者病在足陽明胃腑也

本方去人參加枳實炒大黃煨芒硝各一錢五分薑引

水煎溫服以利爲度

如發熱口乾而渴心煩不得眠或乾嘔者病在足少

陽膽腑也本方加麥冬天花粉山梔仁酸

棗仁各一錢竹茹一大團煎去渣再煎一沸服

如發熱而渴腹中痛自利者病在足太陰脾經也本

方加白朮白芍阿膠炒白茯苓各一錢薑引棗三

枚食前服

如發熱而渴。自利不止。手足冷者。病在足少陰腎經。

也。本方去柴胡加芍

赤石脂

白茯苓

砂

仁

炒各一錢

薑棗引食前服

如發熱而渴。利下膿血。手足冷者。病在足厥陰肝臟。

也。本方加歸身

白芍

酒炒

白朮

白茯苓

各一錢

烏梅

一個食前服

凡傷寒瘧後。調理失宜。復發熱者。此勞復也。用黃龍

湯加知母

麥冬

各一錢去心

石膏

碎二錢

淡竹葉

十五片

粳米

一撮以汗爲度

立按發熱而渴、可用石膏知母之類、如調理失宜、僅止發熱、別無他症者、用黃龍湯本方主之、切不可過用寒涼之藥、臨時最宜斟酌、如因飲食失節、復發熱者、此食復也、四味紫蘇和胎飲、加枳實炒黃連炒陳皮神麴炒薑棗引水煎食、遠服更節飲食、免致內傷。

若天行時氣傳染者、只依上法分六經表裏治之、無

知或於初病之時用敗毒散加和胎藥解之亦是
妙方。人參 羌活 柴胡 前胡 白朮 甘
草 川芎 桔梗 枳殼 黃芩 白朮 蘇葉
葛根 薑引加蔥白三根水煎熱服蓋覆得汗
自解

凡傷寒熱病不解遍身發斑赤如錦文者加味化斑

湯主之。人參 知母 甘草 黃芩 生地

梔仁 各一錢 石膏 二錢 淡竹葉 二十片 豆豉 半合 水煎食遠

服

凡胎前疫症、與傷寒陽明腑証、內熱便秘、須急通大便、方不損胎、若大便自利、乃正氣下泄、胎必難保、惟大小便如常、知裏無熱、則不傷胎氣、故有塗臍護胎之法、其或汗、或下、各隨表裏脈証主治、至妊娠熱症、亦須急治、恐致落胎、千金用蔥白香豉湯、取汗即愈、又有用柴葛安胎飲、如嘔吐燥煩、用生津葛根湯、

方列甚則斑出黑色、用梔子蔥豉湯、方列密齋用

加味化斑湯、方列此皆熱入於裏、陽明証之方

藥也、醫通治孕婦溫熱時行、及傷寒邪氣內

犯、熱毒逼胎、並宜千金石膏湯、方列急救庶可

保全、遲則不救、又有石膏六合湯、方列立方甚

穩、大凡胎孕不得已而用大黃之藥、須用酒

製、薑桂附子、用黃連甘草製之、則無害矣、

護胎法 妊娠傷寒熱病、

白藥子 不拘多少 爲末以雞蛋清調攤於昏

上如碗大貼臍下胎存處訖則以濕茶潤之

〔又法〕 治孕婦一切有熱內外諸症

伏龍肝 不拘多少 爲末井底泥調敷心下令

胎不傷以上兩方皆審有實熱不得已而

用之

〔紫葛安胎飲〕 治孕婦熱病骨節疼痛如不

急治則落胎

柴胡

葛根

青黛

各八分

石膏

錢五

升麻

五

枝子

錢一

知母

七

葱白

三

水煎服

有痰加竹瀝

分

一

小

薑汁

二

錢

蔥白香豉湯

時疫傷寒

三日已內

頭痛如

破

及溫病初起寒熱

破

蔥白

連鬚一根

香豉

三合

右二味

水煎入童

便

一合

日三服

日三服

秋冬加生薑

二兩

此方藥味

雖輕

功效最著

凡虛人風熱伏氣發溫及產

後

此方藥味

雖輕

功效最著

凡虛人風熱伏氣發溫及產

後

此方藥味

雖輕

功效最著

凡虛人風熱伏氣發溫及產

此方藥味

後感冒靡不隨手獲效與產後補後月伏龍
肝湯丸不殊正危証解圍良劑也

妊娠中風

太乙者冬至日在坎正北立春日在艮東北春分日
在震正東立夏日在巽東南夏至日在離正南立秋
日在坤西南秋分日在兌正西立冬日在乾西北故
太乙移宮之日卽八節日天必應之以風雨其風自
所居之鄉而來爲正風不能傷人如自衝方而來謂

之虛風。中人卽病。中其皮毛經絡者。則發寒熱。頭項
身體皆痛。或肌肉頑痺。中其筋骨者。則拘攣。遍直。中
其臟腑者。則卒倒昏悶。口眼喎斜。手足痿痹。口禁不
語。孕婦得此。不可用常治中風法。以補虛安胎爲本。
兼用搜風之劑。增損八物湯主之。八物內用當歸
身。炙甘草。加黃芩。黃蓍炙。羌活。防風。
秦艽各一錢。薑棗引水煎。多服。以平爲期。

妊婦中風。因體虛則中之。但胎前正中風者。

少子癇之証實多、與中風見証無異、醫者當
審實是中風、方可用搜風安胎、否則子癇症
治也。

中惡、心腹刺痛、悶絕欲死、卽俗謂疔腸痧也、
因氣血不和、精神衰弱、邪毒之氣得以中之、
防損胎、此証當調補正氣爲主、用金銀藤一
味煎湯飲之、或竈心土爲末、每服二錢、井水
調服、白湯亦可、以散滯湯、用散滯湯、又煮艾

方治正中惡極 妙

散滯湯 治觸惡胃氣傷胎肚痛手不可近

不思飲食 青皮 三錢 黃芩 白芍 二錢 歸尾 五錢

分 川芎 一錢 木香 五分 炙草 少許 先煮芎根兩大片

用水三盞煎至二盞去芎根人前藥同煎一

盞熱服

治孕婦中惡心腹絞急切痛如鬼擊之狀可

按摩或吐衄血者熟艾如拳大煮汁頻服

妊婦中暑

凡盛暑時中暑熱之毒者其症發熱而渴自汗精神
昏憤四肢倦怠少氣清暑和胎飲主之黃蓍炙

甘草炙人參白朮黃芩黃連知母麥

冬錢各一五味子粒十二水煎服

妊娠中溼

孕婦或早行感霧露之氣或冒雨或久居下濕地或
大汗出浴冷水其症發熱骨節煩痛身體重著頭

痛鼻塞黃芩白朮湯主之

條芩

白朮

各五錢

蘇

葉

二錢五分

薑片

水煎服

妊娠咳嗽

如初得之惡風寒發熱鼻塞聲重或鼻流清涕者宜

發散加減參蘇飲主之

人參

紫蘇

陳皮

白茯苓

甘草

桔梗

枳殼

前胡

黃芩

各一錢

薄荷葉

少許

引水煎食後服得微汗便解

久嗽不已謂子嗽引動其氣恐其墮胎人參阿膠散

主之。人參 白朮 黃芩 茯苓 炙甘草

蘇葉

阿膠炒 桔梗

烏梅

一箇去核

水煎食後服

久嗽不已多因土虛不能生金宜補中益氣湯以培土金或肺虛不能生水陰火上炎宜六味加五味子以生腎水

寧肺止嗽散

治孕婦風寒咳嗽

麥冬

二錢

去心 知母

一錢 桔梗

紫蘇

各五分

杏仁

十粒去皮尖

桑

白芍

六分

甘草

四分

有痰加橘紅

四分

竹瀝薑汁

火

嗽加黃芩八分虛嗽加紫苑錢一款冬花六分寒甚

加麻黃虛損加瓜蒌竹瀝薑汁嗽而心胸不

舒加貝母百合錢一紫苑八分嗽不止胎不安加

人參杏仁桑白皮紫苑天冬桔梗烏梅

妊娠瘧疾

孕婦病瘧不可輕用截藥恐致損胎柴胡知母湯主

之。柴胡一錢五分知母 人參 黃芩 白朮 歸

身各一錢甘草五分薑棗引水煎多服以平為期

如瘡人不退轉甚者。卽宜截。七聖散主之。經云。有故無殞。此之謂也。柴胡 黃芩 炙甘草 知母

常山

酒炒

草果仁

一錢五分

烏梅

三箇去核

水酒各半先煎

露一宿。臨發日五更溫服。忌生冷雞魚。

立按妊娠患瘧。無論胎息月數多少。總以安胎爲主。世之安胎。無過黃芩白朮。不知黃芩乃治熱盛。胎動不寧。白朮乃治脾虛。胎氣不固。若氣虛下陷。誤用黃芩。氣滯壅逆。誤用白

尤爲害不小、善治胎產者、必審孕婦形體之
肥瘦、氣血之偏盛、若形色蒼、肌肉脰堅者、必
多濕、多痰、無論何疾、必顯濕熱本病、脈多滑
實有力、絕無虛寒脈弱之候、可峻用豁痰理
氣藥、治其本質、然後兼客邪見証而爲製劑、
治宜二陳湯、隨經加透表藥、或合小柴胡用
之、蓋柴胡爲瘧之嚮導、故多用之、然有自汗
過多、尺中兩脈微弱、或熱盛手足清、始終不

用柴胡而用建中桂芍收功者或見煩渴脈實大便六七日不通陽明腑實又宜涼膈去硝黃加鮮首烏調之須知氣質堅固者其氣多滯內外壅遏但有濕熱絕無虛寒之患如元氣本弱或病後得之必需理脾行氣惟六君子湯爲合劑有痰食結滯則加枳實草果內有寒加炮薑外受風加桂枝胎動上逆不安加子芩胎下墜加柴胡倍人參乃舉胎聖

藥以問有不應、又須補中益氣湯升舉之、若
中有留滯、則枳實理中、方列加桂枝、柴胡合表
裏而治之、大抵病邪初發、元氣未耗、疎風滌
痰、消導飲食、在所必需、然宜大劑白朮、培其
中土、其最可慮者、在三四發、至六七發、其勢
漸劇、若過半月、雖淹纏不止、邪熱漸衰、可無
胎隕之虞矣、六七發後不止、卽當和營健脾、
若秉質柔脆、雖有風邪、不得純用表藥、以風

藥性升、能使胎氣上逆、而爲嘔逆喘脹、腸寒痞滿之患、雖有實滯、不得過用降泄之味、能引邪氣下陷、致胎墜不安、而爲泄利不食、小腹疼痛重墜之患、若疫癘毒盛勢劇、急與涼膈承氣、黃連解毒救之、瘟瘡憊憊不爽、煩熱大渴、或壯熱無寒、或先熱後寒者、當與桂枝白虎、人參白虎、撤其在裏之熱、不可與夏秋疳癰、比類而推也、惟在速祛邪毒、以救胎息、

之燔灼、又有氣血虛損、其瘧由虛致、不因暑
氣而作、如經云、陽微惡寒、陰弱惡熱、或風因
虛而乘之、若寒熱不已、重蒸其胎、胎亦受傷
而墜、宜輕解表邪、兼大補氣血、以主之、更有
患胎瘧者、一遇有胎、瘧病即發、此人素有肝
火、遇孕則水養胎元、肝虛血燥、寒熱往來、似
瘧非瘧、以逍遙散方列清肝火、養肝血、兼六味
九方列以滋化源、寒熱自退、世醫治妊娠瘧初

起用散邪飲不愈以截瘧湯截之又初用
柴胡知母湯以平爲期瘧久不退則用七聖
散截之然藥內有常山傷胎萬不得已須用
白朮煎水煮透用之然亦宜少用卽尋常治
瘧以白朮製之方免嘔泄又夜明砂單方亦
治孕瘧予常用丹溪安胎飲列方治孕瘧甚覺
穩妥有效從未用截藥

夜明砂錢三爲末茶調空心服 此藥能行血

且下死加甚速非瘀血積聚成瘡及从成瘡
母者不可輕用慎之

妊娠霍亂

增改

妊娠因口肥過度腐積成痰或七情鬱結氣
盛爲火停蓄胃中乍因寒熱之感邪正交爭
陰陽相混故令心腹絞痛吐利並作揮霍變
亂謂之霍亂如邪在上則當心痛而吐多邪
在下則當臍痛而利多邪在中脘則腹中痛

吐利俱多吐多傷氣利多傷血血氣受傷不能護養其胎邪氣攻擊子母俱傷此危証不可不亟治宜香蘇散方列加藿香葉方列治孕婦霍亂用六和湯方列屢效又回生散方列或加味四味紫蘇和胎飲方列服六和湯之後宜再服加味四味和胎飲為妙

妊娠泄瀉

孕婦泄瀉以補中安胎為主用四君子湯加白芍

更分寒熱治之。如發熱而渴者爲熱。本方加條芩
一錢。不渴者爲寒。本方加炒乾薑五分。並用烏梅一箇
爲引。水煎食前服。

如渴瀉久不止者。用四君子湯加白芍酒炒訶子肉

乾薑炒烏梅二箇水煎食前服。
去核

如久瀉大渴者。人參白朮散主之。人參 白朮

茯苓 炙甘草各一錢藿香五分木香 乾薑二錢作

大劑。水煎。頻與之以代湯水效。

孕婦泄瀉有風寒暑濕之外感飲食生冷之內傷當察其所因又有脾胃二家虛者夫血統於脾血擁胎元則脾陰虛而不運化下焦壅滯而清氣難舒於是水穀難消而作瀉或因胎繫於腎胎竊其氣以擁護而腎氣既弱命門火衰不能上蒸脾土此皆孕婦泄瀉之由也如脾虛內傷用加味六君子湯命門火衰加益智以助之至於妊娠久瀉元氣下陷

發熱作渴、肢體倦怠、用補中益氣湯、小瀉大
渴者、人參白朮散、米食穀芽麩食麥芽肉食
山查、肝木傷土、寒熱作嘔、柴胡生薑嘔吐腹
痛、手足逆冷、薑桂泄瀉黃色、木香煨肉果作
嘔不食、腹痛惡寒、木香薑桂、

妊娠痢疾

凡孕病痢、以清熱和胎、行氣養血爲主。虛坐努力者、
防其損胎。當歸黃芩芍藥湯主之。當歸 黃芩

芍藥 黃連 白朮 枳殼 茯苓 陳皮

生地

甘草 各一錢

木香

五分 烏梅 一個

水煎空心服

痢久不止黃連阿膠湯主之黃連炒阿膠炒人參

白朮

茯苓

各一錢

木香

七分

乾薑

炒

甘草

各五分

烏

梅

三個

薑棗引水煎食前服

立按妊娠痢下因傷生冷脾胃不能剋化故

心腹疼痛傷血則赤傷氣則白氣血俱傷則

赤白相雜蓋血屬陰陰傷則受熱居多然又

有陽氣傷不能統陰血而痢赤又不得不從事於辛溫故治血痢猶當以色之顯晦驗其虛實寒熱故凡積之瘀晦不鮮皆虛寒之候卽陽不統陰之血急投參薑艾或可保全倘不審而誤服芩連乃速其斃也惟積之稠粘紫赤而光澤者合用苦燥以堅腸胃之滑脫又當佐以調氣之藥則陰邪能釋非若白痢之不可雜以芩連芍藥等味引瀉滯穢以致

襲傷陰血也。氣屬陽，陽傷則受冷居多。卽有
火汪下迫，皆陽氣鬱遏，本寒於熱之症，不可
純歸於熱。但當驗其積之稠粘如糊，色白如
脂，方可暫與清熱，以治其標。若汗沫如■色
晦如塵，急須溫理其氣。卽有熱症，皆假象無
疑。其虛實寒熱，旣分而又有三禁、三善、五審，
不可不知。

三禁

一禁滌蕩腸胃，恐陽氣下陷，胎氣愈

墜二禁滲利膀胱恐陰津脫亡胎失榮養
三禁堯瀉滯氣恐濁氣愈滯後重轉加故
善治孕婦之痢惟以調氣爲先使已敗積沫
隨氣而下未傷津液統之而安

夫調氣有三善一使胃氣有常水穀輪運
二使腹滿腹痛後重漸除三使濁氣開
發不致侵犯胎元

所謂五審者一審飲食之進與不進夫痢

乃腸胃受病者多甚飲食無妨者易已
故痢以禁口爲最劇在初起濁邪全盛之時
不足爲慮但要清理積滯飲食自進矣若七
日已後尚不能食脈反數盛此必初時失於
清理之故急需調氣理中則積沫漸下飲食
漸進或初時能食至一旬一氣後反不能食
脈息不振此必滌蕩太過胃氣受傷所致亦
有過用芩連檳朴苦寒破氣而致呢逆嘔噦

者胃氣大敗、惟峻與溫補、始可挽回。若脈見數疾無倫、或翕翕虛大、或歇止不前、或弦細搏指者、皆胃氣告匱、百不一生矣。二審溺之通與不通、下痢清濁不分、若痢雖頻而水道順利者、胎必無虞。若月數將滿、胎壓尿胞、每多溲便頻數、轉胞脹悶之患、切禁利水傷津、急與開提自通、但須察其脈、無過壯過硬之形、便宜補中益氣、稍加澤泄車前、以升清

降濁投之無不輒應、非特妊娠爲然、卽平人
从痢、津液大傷、而溲瀉不通、如中老女人、小
便頻數、小腹脹墜、腰膝背痛者、亦宜此治法
也、三審腹之痛與不痛、下痢腹痛、必然之
理、然間有濕濁下趨、而無鬱沸之火、則不痛、
但此多見於肥白人、之白痢者、若血痢與瘦
人多火者、罕見也、治用調氣運積、不可清火、
原其腹痛有寒熱之分、痛有止歇、痛則奔迫

下墜至固不及者火也痛自下而攻擊於上者火也痛而脹滿不勝摩按熱飲愈甚者火也實也痛無止歇常時痛而無絞刺者寒也痛自上而奔注於下者寒也痛而不滿時喜溫手摩按飲熱漸緩欲至固而可忍須臾者虛也寒也凡大痢腹痛之脈無論大小遲數但按之漸漸小者並屬虛寒急需溫補慎勿利氣惟急痛脈實久按不衰可稍用炮黑薑

連和之。四審後之重與不重。下痢後重。濁氣壅滯也。夫開導壅滯。必以調氣爲本。在妊娠尤爲切要。調氣則後重自除。而胎息自安。但初痢後重。首宜開發其滯。若久痢後重。又當升舉其陽。陽升則胃氣運。而周身中外之氣皆調達而無壅滯之患矣。故治孕婦之後重。無論胎之大小。但脈見有餘。則宜調氣。脈見不足。便與升提。雖血痢亦宜陽藥。一切滋

賦血藥、總無干預、以氣有統血之功、則血無妄行之慮也。五審身之熱與不熱、下痢爲裏氣受病、若見身熱、表裏俱困、元神將何所恃而得祛邪之力哉。惟人迎之脈浮數、可先用和營透表之法、分解其勢、然後徐行清理。若初痢不發熱、數日半月後發熱、脈來漸小、或虛大少力者、此正陰內亡、虛陽發露於外、在平人或可用辛溫峻補、飲之以歸其源。若

妊娠則桂附又難輕用、惟藉參朮薑黃膠艾之屬、非大劑濃煎、峻投難愈、或痢久衛虛、起居不慎、而感冒虛風、發熱者、但當察其左手三部、必顯浮數之象、又需理中湯加桂枝、合表裏而治之、以內氣从虛之邪、不得參朮、則客邪不解、又有病後體弱、或本質虛羸之人、及秋冬天令寒冷、時下痢、加以胎孕扼腕、豈可與平人之痢、同日語哉、各方列後、

厚朴法乾薑湯

治妊娠能食腹脹後重積

穢稠粘之白痢

厚朴

去皮薑汁炒

陳皮

去白

茯苓

炙草

等分

治腹脹後重赤白相兼之痢并胃虛嘔逆痛

滿不食

人參

不拘

厚朴

錢五分薑汁炒

製半夏

二錢

炙草

八分

薑引

黃芩芍藥湯

治伏氣發溫太陽少陽合病

自利

黃芩

白芍

各三錢

炙草

二錢

大棗四枚引水煎

服

香連丸

治赤白相兼白多於赤者

川連

六兩用吳茱萸黃連去開口者取淨一兩同黃連炒去萸用連水吞一兩

共末醋糊丸每服五十丸米湯或砂仁湯任

下煎湯送香連丸治妊娠能食後重積穢稠

粘之血痢

運理湯

治胃虛夾食痞滿發熱

人參不拘白朮錢五分炮薑各一分炙甘草各一分黃連各一分

八分茯苓錢一水煎服

〔千金三物膠艾湯〕又名膠艾榴皮湯治血痢

又痢下不止

阿膠 艾 榴皮 三味等分煎服前方合

三物治妊娠少腹疼重瘀胸不鮮或間有鮮

血之痢或膿血清稀胎動不安久泄不止

〔駐車丸〕治陰虛下痢發熱膿血稠粘及休

思痢

阿膠三兩黃連炒黑當歸各五錢炮薑一兩

右四味搗篩醋煮阿膠爲丸梧子大每服四五十九晝夜三服米飲下治妊娠發熱後重陰虛畏食之血痢

〔白頭翁加甘草阿膠湯〕治挾熱痢下膿血

及產後痢不止

白頭翁一錢黃連炒黑一錢黃柏炒黑一錢秦皮

一錢炙草一錢阿膠三錢先煮上五味去滓

內膠烱盡溫分三服治妊娠熱毒內攻噤口
不食腹脹後重膿血稠粘之痢

予每用阿膠一味要陳而真者以治孕婦之
痢或阿膠黃連飲甚效

〔阿膠黃連飲〕治孕婦痢疾若安胎則痢愈
重治痢則胎難安宜服此飲

阿膠能止膿血之痢且止黃連芍藥甘

草

皆以爲佐

枳壳

麸炒少加二三分以寬後重

水煎服一劑

痛痢俱減去枳壳再服

子懸

孕婦五六個月以後胎氣不和上湊心腹脹滿疼痛

者謂之子懸紫蘇飲主之

紫蘇 陳皮 大腹

皮 川芎

白芍

歸身

各一錢

人參

炙草

各五分

薑五片葱白七寸水煎食前服

並按如飲食不甘加四君子湯有熱加苓

梔歸芍 內熱、晡熱、或四、右兼逍遙散。若多
怒、時覺脹滿、服順氣藥不應、宜用和氣安胎
飲、或加味逍遙散。胎上攻而作痛、宜紫蘇飲、
或順氣安胎散。若脾虛停滯、脹滿、安胎飲力
薄、宜加參平胃散。有因鬱滯者、亦宜紫蘇飲。
或加味歸脾湯。有因痰結聚者、紫蘇飲加苓
連、貝母。有因暴怒者、左關必弦洪、肝火內動、
用小柴胡加茯苓、枳殼、山梔、大抵胎氣上逆、

皆屬火旺、急用芩朮香附之類、不可服大寒之藥、子懸症有兩尺脈絕、餘脈平和、不可錯認死胎、且死胎有面青舌青可辨、宜紫蘇飲治之、則胎歸原位、脹消脈起、如臨月胎上逼心、嘔噦欲死、急用葶便灌之、卽下、或烏梅肉十枚、研爛、入生薑三片、煎湯漫漫灌之、卽下、又因坐草太早、心懷恐懼、氣結不行、紫蘇飲一服便產、圓機胎前、妊娠六七個月、胸

膈脹滿條內針炙方可用

子煩

孕婦心驚膽怯終日煩悶不安者謂之子煩人參麥

冬散主之人參麥冬茯苓黃芩知母

炙甘草

生地

各等分

竹茹一大團水煎食前服

妊婦因服藥致胎氣不安有似虛煩者服集

氏謂之子煩醫者不知作虛煩治損動胎氣

宜知母二兩酒焙爲細末棗肉爲丸彈子大

每服一九煎參湯化服

又方加棗仁 遠肉 當歸 白朮 川芎

廣皮 竹葉無知母 湯加竹茹七分

子癇

乃惡候。若不早治。必致墮胎。其症或口禁項強。手足攣縮。言語塞澁。痰涎壅盛。不省人事。或忽然眩暈。卒倒。口禁不能言。狀如中風。實非中風也。或須臾卽醒。醒而復發。此名子癇。乃氣虛挾痰挾火之症。

不可以風治而誤也。宜因物養血。酒芩清熱。二陳
化痰理氣。或用清神湯主之。人參 白朮 茯苓

苓 白芍 炙黃耆 炙甘草 麥冬 歸身各等

分 薑棗引水煎食。遠服兼服壽星丸

〔琥珀壽星丸〕寧神定志 去風化痰 天南星一斤 掘地作坑深二

尺用炭火二十斤於坑燒紅去炭掃淨用好酒五

升澆之將南星趁熱放坑內用瓦盆惡蓋定以黃

泥封固經一宿取出焙乾爲末入琥珀末一兩硃砂

宋五錢和勻以生薑自然汁煮麪糊熟再入獾豬
心血三個攪勻和末爲丸硃砂爲衣每服五十九
人參湯下日三服神效

予謂妊娠子癇至有目昏黑而厥者胎前絕
火但此症卽是兒暈屬氣與痰故目昏黑發
厥只服蘇飲在論列方中不可服蘇合丸
及烏藥順氣散至於破傷失血或吐衄血忽
患口禁項強背直類中風症皆因失血所致

用荆防安胎散 人參 當歸 白朮 三錢

生地 天麻 二錢 麥冬 一錢 條芩 八分 荆芥

防風 各三分 陳皮 甘草 四分

子腫

孕婦面目身體四肢浮腫者此胎水泛溢謂之子腫

加味五皮湯主之 大腹皮 黑豆水洗淨 桑白皮

炒生薑皮 赤茯苓皮 白朮 土炒 紫蘇 莖葉以 上各一

錢 棗引 去核 水煎服時以木香磨濃汁三匙入藥

內

全生白朮散

治妊婦面目虛浮如水腫脹

白朮

一兩
土炒

生薑皮

大腹皮

豆汁製
淨

茯苓皮

陳皮

各五錢

共爲細末每服二錢米飲下

此方較澹寮五皮散稍善以白朮而易桑皮
功用懸殊末應佐以人參甘草

加味天仙藤散

治孕婦腰腳腫虛人多有

之

天仙藤

卽青木香藤
洗暑炒

製香附

紫蘇

各六

分陳皮 四分 烏藥 五分 木香 二分 薑皮 三片

虛加參朮當歸或兼服補中益氣湯

子氣

孕婦自六七箇月以來兩足腫大行步艱難脚指間有黃水出此名子氣亦多有之生子之後其腫自消甚者茯苓湯主之 白茯苓 白朮 陳皮 香附 烏藥 各一錢 炙甘草 五分 紫蘇 薑葉 五分 木瓜 三片 薑引水煎空心服

孕婦腹大有水氣者亦名子腫千金鯉魚湯主之

白朮土炒五錢 白茯苓四錢 歸身三錢 白芍二錢 陳皮

五分 活鯉魚去鱗一箇重二斤 白水煮汁一盞半去魚

用汁入藥加生薑五片煎七分空心服

子滿

孕婦至七八箇月其胎長大腹大脹滿逼迫子戶坐

卧不安謂之子滿東胎飲主之 白朮 黃芩

蘇葉用莖 枳壳 大腹皮各一錢五分 砂仁連壳畧炒五分

炙甘草 三分 薑引水煎空心服

上海圖書館藏

或胸腹脹滿或遍身浮腫小便艱澀亦名子滿又胎水不利或胞中漬水以致胎死腹中亦用鯉魚湯虛弱或脾胃氣虛佐以四君五皮二湯合煎服之

子淋

孕婦小便少又澀痛者謂之子淋加味火府湯主之
又治溺血 木通 生地 條芩 甘草梢 麥

冬 人參 赤芍 各一錢 淡竹葉 十五片 燈心 四十九寸

水煎空心服

加減安榮散 人參 當歸 二錢 麥冬 二錢

白朮 二錢 通草 茯苓 八分 生甘草 五分 有

痰或怒動肝火加酒炒枯芩七分以清肺金

子鳴補

氣足時子在腹中鳴者此由母或勉強向高處取物子在腹內失脫口中所含脫胎故啼治法或令母

作男子拜狀。或以豆撒地。令母拾之。子復含者。則止矣。又方以鼠窟門土。取大塊含之。

妊娠傷食

孕妊傷食。腹滿吞酸。惡心不喜食者。加味六君子湯。

主之。人參 枳實 神麴炒 砂仁炒 半夏麴 各

分。白朮 白茯苓 陳皮各一錢 炙甘草三分 薑引水煎。

食後服。

妊娠頭痛

因外感頭痛者。此虛也。加味芎歸湯主之。川芎

當歸

各一錢五分

黃芩

酒炒

白朮

各一錢

細辛

茶錢三

水煎食

後服、

妊娠目鼻咽喉唇舌諸病

孕婦專以清熱為主。有熱病者。俱用東垣涼膈散。各

隨症加減用之。

黃芩

黃連

山梔仁

俱酒炒

連

翹 桔梗

生甘草

各等分

薄荷葉

許少

係本方

目赤痛者。本方加當歸

川芎

羌活

防風

菊花各一錢 竹葉引

咽喉痛者本方加生旁子炒神碎一錢

口舌生瘡者只依本方薑引

鼻衄不止者本方加當歸 生地各一錢 茅花大一

薑引

妊娠瘡毒

孕婦多有病乳難者託裏解毒湯主之 川芎 當

歸 黃芩 白芷 連翹 天花粉 金銀花

甘草節 各一錢
青皮 五分
皂角刺

背上臂上生者、陽明經也、本方去青皮、加升麻、葛根、各一錢

胸前兩頰生者、少陽經也、本方去白芷、加柴胡、膽草、梔仁、炒、各一錢

肩膊腋下生者、太陰經也、本方去青皮、加陳皮、桔梗、桑白皮、天門冬、各一錢

胸內陰旁生者、厥陰經也、本方去白芷、倍加青皮、

手足掌内生者，少陰經也。本方去白芷、青皮、天花粉，加黃連、黃柏、木通，各一錢。

孕婦小腹近下處腫脹浮薄發光者，孕癰也。千金托裏散，方列或薏仁煎汁飲。

雜症

妊娠吐血，凡七情內傷、六淫外感，皆足致失血之患。一生火熱者，以氣血壅養胎元，或有所感，則氣逆而火上乘，心煩滿悶，血隨而溢。

甚者或致墮胎、但火有虛實之分、實則清熱

養血、虛則滋陰、補水、血安胎固、若泛用行血清

血之劑、胎必墮而禍不旋踵矣、如肝經怒火、

加味逍遙散、

方列

膏粱積熱、加味清胃散、

方列

結傷脾、加味歸脾湯、

方列

肺經有火、黃芩清肺

飲、

方列

因氣鬱滯、紫蘇飲、

方列

氣不攝血、補中益

氣湯、

方列

去升麻、加煨葛根、腎經虛火、冬味地

黃湯、

方列 卽六味加麥冬五味

鼻衄不止、東垣涼膈散

方列加當歸生地各一錢

茅花一大團、生薑引

咳血咳嗽、宜涼血、地黃湯、咳嗽咯衄、胎前皆

不宜見、如面赤聲啞、不治、又云凡咯吐血多、

致墮胎、宜紫蘇飲

方列加條芩

尿血乃熱乘血分、流滲於脬、故令尿血、自尿

門而下、若胎漏、則自人門下、血可辨、宜四物

湯、加山梔、髮灰、或阿膠、熟地、麥冬、五味之類、

如怒動肝火、加山梔、脾氣下陷、及勞動脾火、

補中益氣、

列方加

茯苓、車前、若厚味積熱、加

味清胃散、

列方

若肝脾血熱、加味逍遙散、

列方

腸風臟毒下血、平胃散、

列方

去蒼朮、加槐角、防

風、當歸、烏梅、

識語

妊娠識語、爲臟腑熱極之候、急宜童便時時

灌之、不應、用生地黃連湯、

列方

清其血中之火、

庶胎得安、脈實者、加酒大黃下之、遲則傷胎也、亦有傷胎、胎下而下血、心神無主、讖語雖峻補亦難有效、其治法方藥俱載產候、乍見妄言門、若孕婦証見舌青者、其子已死腹中、急當下之、若雙胎一生一死者、必腹中半邊冷半邊熱、如母患熱証、臟腑熱甚、其胎蒸灼致死、但服黑神湯、方列加生蒲黃、以煖其胎、卽出矣、胎未死、并泥塗臍、以護胎氣、多有保全

者、

臟燥

妊娠臟燥悲傷欲哭、如神靈所憑、數欠伸、蓋肺志爲悲、胎熱火炎、肺不自持、故悲、屬肺病燥也、胎前氣血壅養胎元、則津液不能充潤、而肺爲之燥、當補母以十棗湯、竹茹湯主之、立齋以竹茹湯佐八珍湯、方列其用八珍補養氣血、更發前人之所未發、又治臟燥悲

哭及自笑自哭、用紅棗燒存性、米飲調下、

〔十棗湯〕 孕婦無故悲慄哭泣、狀若邪祟、臍

燥也、甘草三兩、小麥一升、大棗十枚、水六

升煎三升、去渣分三服、溫飲即效、再服竹茹

湯以和之、

〔竹茹湯〕 孕婦心虛驚恐、臍燥悲泣、人參

麥冬、茯苓、炙草各一錢、小麥一合、青

竹茹一大團、薑三片、棗五枚、水煎食後服

孕婦出痘論

凡孕婦出痘、熱能動胎、胎動則氣血衰敗、而不能起、發灌漿矣、故始終以安胎為主、外用細軟之帛、緊兜肚上、切不可用丁桂燥熱之品、及食牛虱毒物之類、以致觸犯、其條芩白朮、艾葉砂仁之類、與痘相宜者、採而用之、其初發熱、則以參蘇飲、方列發之、痘既出、則多服安胎飲、列方選用保之、渴則用人參白朮散

加減、瀉則用黃芩湯

方列

合四君子湯

方列

內加

訶子血虛者、則以四物湯

方列

加托藥、色灰白

而起發較遲者、則用十全大補湯

方列

去桂、照

之總之、不同輕重、悉以清熱安胎為主、更有

孕婦之症、正當盛時、忽臨正產者、勢必氣血

俱虛、亦只以十全大補湯、以補氣血為主、虛

寒者、少加熟附、若腹中微痛者、此惡露未盡

也、宜四物湯、加乾薑、桂心、黑豆、木香、用熟地

黃而去芍藥、蓋恐寒涼有傷生氣、然有當用者、酒炒用之、若寒戰咬牙、腹脹不渴、而足冷、身熱者、此乃脾胃內虛、外作假熱也、宜參耆歸附木香之類、一二劑而愈者吉、不愈者凶、若孕婦肥胖者、則氣居於表、而慊於內也、人參可多、黃耆宜少、多加帶壳縮砂、切忌脫蒂、菓子之類、至有痘將收靨、忽作泄瀉、口渴飲水、小便短少、其痘胖壯紅潤者、此內熱也、宜

用五苓散方內加黃芩芍藥之類若至滑瀉不止食少腹脹而足冷痘色灰白脈細無力者此犯五虛必死之症也凡婦人方產之後或半月左右適逢出痘者此無胎孕繫累惟氣血爲虛治宜大補榮衛爲主若痘出多者則加連翹粘子之類大便自利者則用肉果炮薑之類餘則照常一例而治不必多疑反生他誤至於孕婦出痘在於初出之時胎落

者則血氣雖爲大虛然熱毒亦因走洩兼之
未經起脹灌漿則血氣未曾他耗倘痘非險
逆加以大補托裏每多得生至於收靨之時
胎落者則毒已出表消散亦多無事但重虛
而元氣易脫宜倍加補益耳若正當起脹灌
漿而胎落者則氣血衰敗內外兩虛旣不能
逐毒以外出則毒必乘虛以內攻不救者多
矣

妊娠麻疹論

妊娠出疹當以四物加減而加條芩艾葉以
安胎清熱爲主。熱毒蒸胎胎多受傷。但胎傷
而母實無恙也。蓋疹與痘不同。痘宜內實以
痘當從外解。故胎落毒氣乘虛而內攻。其母
亡疹宜內虛。以疹當從內解。故胎落熱毒隨
胎而下。其母存。雖然與其胎去而母存孰若
子母兩全之爲愈也。且古人徒知清熱以安

胎不思疹未出而卽以清熱爲事則疹雖出而內熱愈深是欲保胎反足以傷胎也宜輕揚表托則疹出而熱自清繼以滋陰清解則疹胎相不相碍如疹出不快宜白虎湯

方列合

用升麻葛根湯

方列

倍加元參牛旁治之胎氣

上冲急用芩根艾葉煎湯磨檳榔服之再以

四物進之熱甚胎不安服固胎飲

方列

數劑如

又不愈腹痛腰痠卽知胎必有墮之機如胎

墮卽以產後法論治矣

妊婦氣喘不得卧

妊婦氣喘不得卧、有乍感風寒、客邪爲害、宜發散、參蘇飲主之。若脾虛、四肢無力、肺虛、不任風寒、腎虛、腰痠短氣、不能行步、猝然氣喘不息、此脾肺素虧、母虛子弱、腎不歸元、上乘於肺、生脈散、補中益氣湯去升柴主之。嗽門蘇桔湯、可加減用之。

昔有一婦胎死於腹、病喘不得卧、診其脈、氣口盛於人迎一倍、右關弦動而疾、兩尺俱短、而離經、因毒藥動血以致死胎不下、奔迫上衝、非風寒作喘也、大劑芎歸湯加催生藥服之、夜半果下死胎而喘止、此婦乃爲人妄、因正室所嫉、故用藥去之、人不知也、

子淋與轉胞相類

凡婦人秉受弱、憂悶多、性躁惡、食厚味者、因

胞不能自轉爲胎所壓胎若舉起胞系自疏水道自通用二陳升提飲又有用補中益氣湯服後探吐以提其氣通後卽用黃耆人參大補恐墮胎也如藥力未至脹痛難忍令老嫗用香油塗手自產戶托起其胎溺出而脹除子淋與轉胞相類小便頻數點滴而痛者爲子淋膀胱小腸虛熱也虛則不能制水熱則不能通利故淋若頻數出少不痛者爲轉

胞間有微痛、終與子淋不同耳、論中急痛、乃
急欲便而痛、得便則止、間有微痛、與子淋點
滴痛者不同、

〔二陳升提飲〕 治孕婦臍腹作痛、小便淋閉

不通、或微痛與淋有別、由氣虛胎壓尿胞、

人參 一錢 白朮 土炒 生地 各一錢 當歸 二錢

川芎 八分 半夏 六分 製或 柴胡 升麻 陳

皮 炙草 各四分 薑一片 水煎服 探吐只可

救急偶用、總須通後、服升提之藥、

孕婦遺尿

孕婦遺尿不覺胎滿故也、白薇散主之、

〔白薇散〕 白薇 白芍 等分爲末、每服三

錢、食前溫酒調服、加味逍遙散、補中益

氣湯、六味地黃湯、鯉魚湯俱可酌用、

轉胞

孕婦轉胞、乃臍下急痛、小便不通、凡強忍小

便或尿急疾走或飽食忍尿或忍尿入房使
水氣上逆氣逼於胞故屈尿不得舒張所致
非小腸膀胱受病而利藥所能利也當理其
氣則愈

子瘕

孕婦至八九個月忽暴暗不語者此少陰之脈下養
乎胎不能上榮於舌十月生子之後自能言非病
也勿信庸醫妄藥

屢受屢墮

婦人受胎不堅屢受屢墮見紅卽服此藥取
舊年新毛青布一丈煨灰存性爲末黃酒送
下

立按如服後仍見紅再服一尺無不止如婦
人屢墮胎者不俟其見紅當常服之此病永
除陳年青布衣服亦可

八月章

孕婦至八九個月形盛胎肥。腹大坐卧不安者。防其

難產。宜預服瘦胎丸。商州枳壳麩炒四兩白朮

當歸 甘草各一兩蜜丸。辰砂爲衣。食前白湯下五

十丸。多服瘦胎滑胎。自然易產。

如胎氣本怯。不可服上瘦胎丸。欲防產難。達生散主

之。大腹皮三錢人參 紫蘇華葉陳皮 甘草

砂仁各五分白朮 白芍 當歸各一錢枳壳七分

青蔥五根水煎。食前服。至十餘劑。甚得力。

無憂散 預服保孕臨產保生若素有難產之患六七個月常服二三帖臨產再服易生神效

全當歸酒浸炒 兔絲子酒浸晒乾 川芎各一錢五分

厚朴薑汁炒 蘼艾醋炒各七分 生黃芪 荆芥穗各八分

分羌活 炙甘草 枳壳麸炒各六分 白芍酒炒一錢

川貝母去心研末一錢分兩煎各半調服 生薑一片為引

水二大盞去渣再煎六分澄清入貝母末溫

服臨產隨時服。選料秤准分兩。不可增減。

臨產須知

凡孕婦未產數日前。胎必墜下。小便頻數。此欲產也。慎重之家。於合用藥物。慣熟穩婆。宜預圖之。

產婦合用催生湯丸。止暈藥物。皆須預備。如乾漆渣。破漆器。產時燒之。使產母得聞其氣。無血暈之疾。又取生韭菜一握。安放有嘴小瓦瓶中。以熱醋澆浸。塞其大口。以嘴向產母鼻嗅之。亦止血暈。又取無病童

男小便五六碗。淨器收貯。臨產時溫一二盃飲之。自無血暈。

產母房中只令熟練穩婆一二人。謹閉門戶。勿使雜人往來。更禁人無相詢問。大驚小怪。直待胞漿已動。兒身已轉。逼近子門。可以用力。當此之時。產母護痛。其身傾側。護生者不可抱束其腰。恐致損兒。但扶其肩膊。勿令卧倒。

臨產時如白蜜沸湯。薄粥羹。常要齊具。渴則以白

蜜半盃。溫湯化開飲之。可以潤燥滑胎。令其易產。飢
卽以薄粥美膳食之。令其中氣不乏。自然易生。

如夏月盛暑。必用冷水遍洒房內。解其鬱蒸之氣。四
面窓牖大開。以薄紙帳遮之。使產母溫涼得宜。庶新
血不妄行。以致血暈。

如冬月嚴寒。必房內四處燃火。常使暖氣如春。更要
閉其戶牖。塞其穴隙。使邪氣莫入。庶免凍產及中風
寒之疾。

臨產之時凡合用水火柴炭鍋鏟刀剪麻繩線布無一不備可也

產畢未可上牀須兩人扶坐令人從心下輕輕揉按至臍腹十五六次此後雖睡時時按之血絡不滯

論難產

一妊娠以血爲主以氣爲輔氣行則血行氣滯則血滯也富貴之家保愛孕婦惟恐運動任其坐臥以致

氣滯而不舒暢。血滯而不流通。胎不轉動。臨產固難。甚至悶絕。且以貧家之婦。勤動勞苦。生育甚易。其明徵矣。難產之症。宜服前達生散。去人參白芍。加香附。烏藥。各一錢。

二孕婦至六七箇月。胎形已全。不知禁忌。恣情交合。以致敗精瘀血。聚於胞中。子大母小。臨產必難。何以驗之。兒子生下。頭上有白膜一片。滯膩如膠。俗呼戴白生者是也。此宜預服瘦胎丸。

三孕婦之家。間或命卜。妄談禍福。或雜鬼神倉皇憂戚。使孕婦常懷憂恐。喪神喪氣。又或臨產之時。大小慌亂。間雜往來。交頭接耳。孕婦恐怖。以致產難。試觀不正之女。偷生之兒。既無產厄。子母俱全。可以理推。必杜絕諸弊。但令一二慣熟穩婆。在房扶持。更以好言寬慰。勿令驚疑。自然易生。

四孕婦臨產。自覺兒身轉動。胞漿流出。腰腹痛甚。目中如火。手足俱冷。此正產也。若兒身未轉。胞漿未破。

腹中陣痛。或作或止。此名弄產。穩婆粗率。便令努力。母力既乏。及至產時。無力轉運。以致產難。若此者。催生湯丸。視其形症用之。

五孕婦臨產。胞漿既破。兒身既轉。著力一送。兒卽下矣。穩婆粗率。但見漿破。卽令使力。兒身未轉。或轉未順。被母努責。逼其快下。有逆產者。有橫生者。有側產者。極爲凶危。此非藥力能及。惟穩婆之良。或可委曲保全。總之穩婆最忌粗率也。

六少婦初產。身體纖耿。子戶緊窄。當產之時。胞漿已破。兒欲奔出。却被其母不耐痛苦。輾轉傾側。兩足不開。兒不得出。又有中年之婦。生育既多。氣弱血少。當產之時。胞破漿下。子宮乾澁。生理不下。淹延數日。若此者。人力莫及。子母得全。亦天幸矣。

七產育之時。氣以行之。血以濡之。然後子宮滑溜。生理順易。蓋子猶魚也。胞漿猶水也。水行魚行。水去魚止。若產婦胞漿未破之先。不當用力。而用力太過。及

胞漿既破之後，應用力而力已困乏，加以憂恐之甚，起臥之勞，氣閉血阻，漿乾水枯，所以產難以催生湯丸救之。

古人治產後非急症，不用人參，且多以芎歸合用，予謂臨產之時，預備好參四五錢，如中年產婦，產育過多，或平素瘦弱，或生產艱難，經日不下，或錯過生陣，或亂用氣力，以致氣力倦，及至正產之時，反無力送，可用人參二

錢煎服自然易產、至於尋常生育、恐臨產艱
難、預用人參二三錢、煎就重湯溫著、俟漿胞
破時、令產母飲兩三口、以助氣力、少停再飲
二三口、頻與漫服、不過助其氣力、以催生耳、
生下卽已、不必多參盡飲、以招尤也、或用上
好人參一枝、含口內、生津助氣亦妙、至於橫
逆等生、須用手法施治、再服參湯、以助之、蓋
人參能補氣升提、使產母不至倦乏、亦能令

兒升舉轉身爲順。若生產之痛陣未來。兒先
必轉胎腹痛。世人不明此理。以爲將生之時。
卽煎參湯與飲。助其氣力。未免失之太早。如
生陣已來。腰痠腹痛。穀道迸迫。目中流火。適
值兒正出戶。方飲參湯。且一飲而盡。豈不失
之過遲而太急。及產下之後。正欲逐瘀之時。
其參力方銳。瘀血受補。凝滯不行。勢必上行。
以奔心等患。若壯實歸人。並非因虛難產。輒

以參湯投之反致提固胎氣上逼心胸脹悶
不下做成難產矣故用參當及其時用之須
得其法否則有失誤之處慎之

臨產交骨不開 乳香不拘多少或遇三月
三五月五七月七研細用猪心血爲丸梧子
大硃砂爲衣晒乾收藏值難產者以涼酒化
下一丸不產再服

催生四法

凡初產一二日間。艱難者。只以加減五苓散主之。

豬苓 澤瀉 白朮 茯苓 桂心 車前子

木通 枳壳 檳榔 甘草 各一錢 滑石末 二錢 燈

心 四十九寸 長流水順取煎服連進以子生爲度

如過二三日。人事強實。飲食能進者。此胞漿乾澁也。

加味四物湯主之。 歸尾 川芎 赤芍 生地

桂心 元胡索 枳壳 香附 檳榔 各一錢 順

取長流水煎調下益元散三錢以子生爲度

如過二三日。人事困頓。飲食減少者。此中氣不足。不能運動其胎也。加味四君子湯主之。人參 白朮 茯苓 甘草 歸尾 川芎 枳殼 香附 桂心各一錢 順取長流水煎。磨檳榔木香濃汁。各五七匙入內服。

如三四五日不產。或胎死腹中。但觀產母唇舌俱紅者。子母無事。唇青舌紅者。母死子活。唇紅舌青者。母活子死。唇舌俱青。母子莫保。奪命丹主之。蛇

蛻全者一條新瓦上煨存性金銀箔各七片母丁香大者五錢另研男子

亂髮燒灰蠶蛻紙燒灰各一錢黑鉛二錢五分水銀一分先將鉛

鎔化入水銀急炒結成砂子傾出另研極細千里馬鼻

即路上遺棄草鞋鼻七個燒灰各研極細和勻用豬豬心血為

丸如梧子大於靜室中修合勿令婦人雞犬見每

服二丸長流水送下如昏悶者研灌可救

催生如神散 亦名黑神散治橫生逆產並

治月水不止崩漏症 百草霜 白芷 各

等分不見火爲末每服二錢以童便醋和如膏加沸湯連進三服能固血又免血涸一方加滑石每服三錢

〔催生如聖散〕 治胞水乾澁兒在腹中不動

或漿血來閉塞道路難產之症 黃葵花二錢

焙乾爲末熱湯調下或有漏血胎臍乾澁難

產病劇者併進三服良久腹中氣寬胎滑卽

時順下如無花以黃蜀葵子爲末二錢酒服

亦可。若死胎不下，紅花煎酒調服。經驗
方用子四十九粒，或三十粒。歌曰：黃金內子
三十粒，細研酒調能備急。命若懸絲在須臾，
卽命眷屬不悲泣。

伏龍肝治橫逆難產者，用對灶心之土，須燒
百草，或柴火，多年色紅者更美，速研細末，溫
酒調下一錢，兒頭卽帶土出矣。北方燒煤之
土，萬不可用。

救難產

總論

論難產前已備矣。多因產母倉皇坐草太早。或胞漿雖破。兒身未轉。或轉未順。被母用力努責。以致足先見者。謂之逆產。手先見者。謂之橫生。或露其肩與耳與額者。謂之側產。或被臍帶纏絆不得下者。謂之碍產。倉猝間。二命所繫。不可無法而臨。爲仁之術也。

救逆產

令產母正身仰臥。務要安心定神。不可驚怖。求慣熟
穩婆。剪去指甲。香油潤手。將兒足輕輕送入。又再推
入。兒身必轉。待身轉頭正。然後服前催生藥。渴則飲
以蜜水。飢則食以薄粥。然後扶掖起身。用力一送。兒
卽生矣。此在穩婆之良。若粗蠢人。不可用也。切不可
使針刺足心。及鹽塗之法。兒痛上奔。爲害非淺。

兒之手足。切不可任其久出。更不可令其多
出。若多出時久。則手足青硬。難以送入。萬勿

用刀割針刺恐兒驚縮有傷觸母心之虞不若鹽塗爲便

臀先露者爲坐臀生令母仰卧如前法或於當高處牢繫手巾一條令母以手攀之輕輕屈足舒伸以開生路兒卽順生

脹後產乃兒頭後骨偏柱產母穀道不得下者令穩婆以棉衣炙煖裹手急於穀道外旁輕輕推頭令正然用力卽生矣

浪臍產。胞衣臍腸先出者。凡兒出胞時。頭必
轉向產門。若無力轉運。腳踏胞衣。臍腸先出。
急令穩婆理清。推入。稍俟氣平。乘勢就其脚
下。不可推轉。久延。久則臍腸復下。便難收拾
矣。

救橫產

法如救逆產。仍將兒手輕輕送入。再推上。摸定兒肩。
漸漸扶正。令頭順產門。後進催生之藥。飲食之物。一

切如上扶正兒卽下矣忌用針刺

救側產

亦令母仰臥法如上。穩婆用燈審視。或肩或額偏左偏右務得其真。以手法輕輕扶撥令正。仍服藥食如前法。起身用力兒卽下矣。

救礙產

令母仰臥。穩婆用燈審視。看臍帶絆著兒之何處。仔細以手法輕輕取脫。服藥食如前法。扶起用力一送。

卽下矣。

子死腹中

兒當欲下之時。被母護痛。兩足不開。夾其頭而死者。或因產母閹閹忍耐。當直之人。不善扶掖。緊抱其腰。以致傷胎而死者。或因產難。胞漿已乾。生路漸塞。子不得出。氣閉而死者。或因生路不順。若逆側等症。穩婆蠢厲。用手莽撞。反傷其子而死者。或被臍帶纏頸。氣絕而死者。其候但觀其母口青手指青。下冷。口

中有臭氣者子死的矣。惡用加味五苓散奪命丹取去死胎。以保其母。穩婆善取者尤妙。如母脣面俱青則難救矣。

用烏雄雞一隻去毛細切水煎二三升候湯畧溫用衣帛蘸摩腹中其胎自出。

又方牛糞炒極熱入醋半盞以青布包裹於母臍上熨之立下。

盤腸生

有當產時母腸先出盤露於外子隨後生生後而腸不卽收者蓋由平日氣虛不能斂束血熱易於流動下元不固關鍵不牢致此苦惡救治之法於子下衣來之後却令產母仰臥穩婆先將母腸溫水洗淨惹帶之物然後托起輕輕送入推而上之却令產母兩足夾緊穀道其腸自收上也或取蓖麻子四十九粒去壳搗爛敷在頂心待腸收盡而急去之次也或用冷水和醋令人噴面一噴一收以漸收之又其次也

欲免其苦者。宜於此後無孕時。多服地黃丸。加五味子。一兩。肉桂。一兩。以固下元之關鍵。及有子時。多服胡連丸。加人參。一兩。以補氣。又服三補丸。以涼血。如滑胎瘦胎之藥。不可輕服。於八箇月時。再服八物湯。加訶子。瞿麥。梔子。服十餘劑。庶可免矣。

予意須預服補中湯。升提之藥。於前。庶臨盆可免。

噴貼之法。腸雖可收。予恐誤事。不若鼻角末。

吹鼻嚏作自上

治子腸不收 枳壳 訶子 五味子 五

倍子 白礬 煎湯熏洗自漸而收再不收

炙頂心百會穴數壯卽上

子腸被風吹乾不收者 用磨刀水少許火
上溫過以潤其腸後用好磁石煎湯一盞服
之

胎衣不下

或因產母力乏。氣不轉運。或因血少乾澀。或因子宮
空虛。吸貼而不下者。急服加味五苓散甚快。若倉卒
無藥。用草紙燒烟熏鼻。卽下。再尋路上破草鞋一隻。
近陰處。軟繫臍帶數道而下。務宜仔細緊束繫定。然
後斷其臍帶。洗兒收養。產母任其坐卧行立。胎衣自
下。有過旬日而爛下者。屢試有驗。若不斷帶。使子氣
灌入衣中。衣轉浮脹而不得出矣。血反潮入胞中。攻
心則傷。天寒時尤不便於子也。惟慣熟穩婆善取胎

衣者甚不勞耳。

立按仔細繫束。繫定然後斷其臍帶。二語切記。
切記。若帶縮入。卽難治矣。

蓋護產母下部。冬月用火於被下。腹中用熱。
衣溫之要緊。多服生化湯。益母丸。

產子迷悶不啼

子欲下時。母或護痛。偃僕傾側。兩足不開。扭夾兒頭。
氣不得伸。故生下悶絕不啼。謂之寤生。救法待胎衣。

來切勿斷臍。急取小鍋燒水。以胎衣置湯中。頻頻用水洗臍帶。仍作大油紙撚。點燈於臍上往來燎之。亦有用蘆艾爲撚。香油浸潤薰臍帶至焦。使熱氣內攻。又用燈心顛門點爆數下。須臾氣煖入腹。兒氣卽回。而啼聲發出矣。若倉猝斷其臍帶。不可救也。

凡兒生下卽死者。急看兒口中前上腭上有泡。以手指摘破。用帛拭血令淨。若血入喉。卽死。其泡中白米如針嘴尖。亦須拈去。

分娩避忌

孕婦分娩必須避忌。豫每見冲犯則多年不孕。今錄體元子借地法。孕婦臨月擇天月二德吉日。令善書者先期齋戒三日。至日汲新水研硃於黃紙上焚香書曰。

東借十步。西借十步。南借十步。北借十步。上借十步。下借十步。壁方之中四十餘步。安產借地。或有污穢。或有東海神王。或有西海神。

王。或有南海神王。或有北海神王。或有日遊將軍。白虎夫人。遠去十丈。軒轅招搖。舉高十丈。天符地軸。入地十丈。合地空閑。產婦某氏安居。無所妨礙。無所畏忌。諸神擁護。百邪速去。急急如律令。書畢。貼產婦牆壁上。則不須避忌矣。

產後章

總論

產後專以補虛爲主。雖有他疾。以未治之。今設爲問答。以盡病原。以著治法。臨產之工。庶有所憑。司命之寄。亦可無負。

產後血暈

問血暈者何。曰。新產婦昏眩卒倒。不省人事。口噤氣冷。謂之血暈。此惡候也。莫救者多。蓋由坐草之時。不知用前防血暈等方。所以致此。其症有二。當分治之。如血來太多。卒然昏仆者。此血氣兩虛也。急用韭

醋嗅法以待醒。清魂散主之。澤蘭葉 人參

錢

荊芥穗

川芎

歸身

錢各二

炙甘草

八分

酒水

各一盞煎一盞入童便一鍾服。

如血去少惡露未盡腹中有痛而昏眩者同上法

令醒黑神散主之。

黑豆

炒一合

熟地

當歸

桂

心去皮

炮薑

炙甘草

白芍

酒炒

生蒲黃

錢冬二

酒水各一盞煎一盞入童便一鍾服。

急以極軟舊衣緊閉產戶以知事婦女用膝

抵住。勿令下面氣洩。俟稍轉。方用熱水接氣。

急服從權急救生化湯。川芎三錢當歸錢

或八錢乾薑四分炒黑桃仁十粒去皮尖炙草五分荆

芥穗四分炒黑汗多者忌用棗三枚煎服。勞倦甚及

血崩。或汗多形氣脫而暈。加人參三錢肉桂

四分。急服二三帖。痰火乘虛泛而上暈。加

橘紅四分。肥人加竹瀝薑汁。

產後子宮脫出

問子宮脫出者何。曰其人素虛。產時用力勞責太過。以致脫出。不能自收也。補中益氣湯主之。外用洗法。荊芥穗。藿香葉。臭椿朮根白皮各等分。剉碎煎水頻洗。子宮即入。

產後乍見鬼神

問乍見鬼神者何。曰心主血。血去太多。心神恍惚。睡卧不安。言語失度。如見鬼神。俗醫不知。呼爲邪祟。誤人多矣。茯神散主之。茯神。柏子仁。遠志。人

參

當歸

酒浸

生地

酒洗

炙甘草

各一錢

桂心

五分

積猪心

一箇

水煎調辰砂一錢食後服

有如下腹悶煩躁昏亂狂言妄語如見鬼神者此

敗血停積上干於心心不受觸便成此症芎歸瀉

心湯主之

歸梢

酒洗

川芎

元胡索

蒲黃

牡丹皮

各一錢

桂心

七分

水煎調五靈脂末一錢另

研食後服

產後心痛

卽胃脘痛。心爲君主之官。血不足。有怔忡驚悸之患。豈可痛乎。

心痛者何。曰。心者血之主。其人宿寒內伏。因產後虛寒搏於血。血凝不行。上衝心之絡脈。故心痛也。但以
大岩蜜湯治之。寒去則血脈行。而經絡通。心痛自止。
若誤以爲敗血而攻之。則虛極寒益盛。漸傳心之正
經。變爲真心痛。而莫救矣。

生地

酒洗

歸身

酒洗

獨

活

吳茱萸

炒白芍

酒炒

乾薑

炮

炙甘草

桂心

小草各一錢 細辛五分 水煎熱服

產後腹脹悶滿嘔吐惡心

詳論圓機產後氣逆嘔吐不食宜參看

問腹脹滿悶嘔吐惡心者何。曰敗血散於脾胃脾受則不能運化津液而成腹脹胃受則不能受水穀而生嘔逆。若以尋常治脹治嘔之劑則藥不對症反增其病。宜用抵聖湯主之。

赤芍 半夏湯炮 澤蘭葉

陳皮去白 人參各二錢 炙甘草一錢 生薑煨五分 水煎服

亦有傷食而腹脹嘔逆者。以脈辨之。因於血則脈弦

澹。不惡食而嘔多血腥。若因於食則脈弦滑。惡食

而嘔多食臭。加味平胃散主之。蒼朮米泔浸焙厚朴

薑汁炒陳皮 香附醋炒人參各二錢神麴炒一錢炙甘草

生薑焙各五分水煎熱服。或用睨睨丸亦佳。

〔睨睨丸〕良薑炒薑黃炒華澄茄 陳皮去白莪朮煨

荆三稜煨人參各等分共為細末。蘿蔔慢火煮熟。研

和藥將餘汁打麴糊為丸。蘿蔔湯下。

加味六君子湯治產後傷食嘔吐脹滿人參

枳實

炒

山查

以上各五分

白朮

半夏

湯泡各七分

陳皮

錢一

炙甘草

三分

白茯苓

二分

薑黃

二分

薑三片水煎食遠服

一產婦朝吐痰夜發熱晝夜無眠用清痰降

火肌體日瘦飲食日少前証愈甚蓋早間吐

痰脾氣虛也夜間發熱肝氣虛也晝夜無眠

脾血耗也用六君子湯加味道遙散加味歸

脾湯以次調理而安

產後口乾痞悶

問口乾痞悶者何。曰由血氣太虛。中氣未足。食麪太早。脾胃不能消化。麪毒結聚於胃。上熯胸中。是以有此症也。慎勿下之。宜用前睨睨丸。

若其人臍氣本虛。宿挾積冷。胸腹脹痛。嘔吐惡心。飲食減少。亦因新產血氣暴虛。風冷乘之。以致寒邪

內勝。宿疾益加。吳茱萸湯主之。吳茱萸炒 一錢

桔梗 芫薤炒 炙甘草 半夏湯泡 細辛 當歸

酒洗白茯苓 桂心 陳皮 生薑引水煎熱服

若因胎衣未下。惡露不來。肚腹脹大。彌急如鼓。嘔吐黃水。多帶腥臭。加喘者危。

口乾渴兼小便短少

產後亡血。或兼汗多。又加氣虛。不能爲胃行其津液。則化生之氣不運。滲泄之令不行。所以上無津液流通。而有咽燥乾渴之証。下氣不升。而小便不通。雖通而亦短少。勿作淋秘。

輕用滲利。使氣益虛。病益甚。治法必當助脾
益肺。升舉氣血。則氣化流行。陰升陽降。斯水
入經。而爲血爲津。穀入胃。而長氣行肺。自然
津液充而便利矣。初產生化湯。多服數劑。如
汗多亡津液。須加人參於內。使血生而津足。
若無痛塊。六君子方列倍參芪。或服生津止渴
益水飲列渴甚兼服參麥飲列如產後口渴
少力。宜生津益液湯。有用四君子湯。加車前

一錢桂心五分。若認咽乾口燥爲火。而用芩
連梔柏。認小便秘爲水滯。而用五苓。則變生
他症矣。予謂小便不通。用加味腎氣丸。列兼
口渴生津止渴。益水飲渴甚。生脈飲。其炒鹽
加射。或有用蔥白作束。置鹽射艾炙之類。惟
氣閉宜之。產後氣虛忌用。

產後咳嗽

問咳嗽者何。曰。產後多因惡露上攻。流入脾經。乃成

咳嗽其症胸膈脹悶宜服二母湯 知母 貝母

白茯苓

人參

各一錢

杏仁

桃仁

俱去皮尖各二錢

水煎食

後溫服

立按二母性涼不可治惡露上攻人參補氣豈可治惡露流入肺經之咳方中雖有桃仁杏仁以瀉肺導瘀予終不敢妄用

又曰肺主氣氣爲衛所以克皮毛密腠理也產後氣虛衛虛皮毛不克腠理不密風寒襲之先入於肺

亦成咳嗽。其症發熱惡寒鼻塞聲重。或多噴嚏。鼻
流清涕。旋覆湯主之。旋覆花 赤芍 前胡

半夏 荊芥穗 甘草 白茯苓 五味子 麻黃

去根節杏仁 以上各等分 薑五片 棗三枚 水煎食後溫服

如有汗去麻黃加桂枝

如咳从不止。涕唾稠粘。加味甘桔湯主之。甘草

桔梗 欬冬 貝母 前胡 枳殼 白茯苓

五味子 麥冬 以上各等分 淡竹葉十五片 煎服同前

如產後吃鹽太蚤者難治

須待再產月內切記遲用少用方可望愈

產後七日內。外感風寒咳嗽。鼻塞聲重惡寒。

或於生化湯中加杏仁桔梗。有痰加天花

粉。忌用麻黃動汗。卽嗽而脇痛亦不用。柴胡

伐肝因其內虛耳。尊生用桑貝芎歸清肺

湯。列方治產後咳嗽甚效。

產後咳嗽。悉屬胃氣不足。胃爲五臟之本。胃

氣一虛。五臟失所。外邪易感。陰火上炎者。宜

壯土以生金。用異功散。去白朮。加山藥細辛。
桂枝之方。或滋水以制火。地黃丸加麥冬。
五味。陰虛感客邪六味丸。去萸加桂枝細
辛。

乾咳嗽。內熱桔梗湯。加萎蕤麥冬丹皮蜜煎。
薑橘之類。

乾咳嗽一証。有小兒食乳易治。無則成勞。

產後喉中氣急喘促。

問氣急喘促者何。曰榮者血也。衛者氣也。內外原水流通。榮衛相隨。產後血下過多。榮血暴竭。衛氣無主。獨聚肺中。故令喘也。此名孤陽絕陰。最爲難治。急取鞋底炙熱。於小腹上下熨之。次取奪命丹主之。附

子

炮去皮臍五錢

牡丹皮

去木

乾漆

酒炒烟盡以上各一兩

其

研細末用醞醋一升大黃末一兩同煎成膏和末
丸梧子大每溫酒下五十丸

因風寒外感邪氣入肺而喘急者必氣粗胸

脹。或多咳嗽。與氣短似喘。上下不接者不同。
治當陳散中並補。宜金水六君煎。或六君子
湯。

寒邪入肺。氣實氣壅。而本無虛者。六安煎。或
二陳湯加蘇葉。

又問產後瘀血入於肺。面必赤黑。發喘欲死者。參蘇
飲主之。人參末一兩。蘇木一兩。水二盞。煎一盞。
去木服。人參末隨時加減。效難盡述。

氣虛血瘀泛上者六君子調失笑散

產後腰痛

問腰痛者何曰女人之腎胞脈所繫產後下血過多

則胞脈虛胞脈虛則腎氣虛腎主腰故令腰痛補腎

地黃主之其症隱隱作痛熟地歸身酒洗杜仲鹽水

炒獨活桂心續斷以上各一錢薑三片棗二枚水

煎空心服

又曰敗血流入腎經帶脈阻塞有腰痛者其症脹痛

如刺時作時止。手不可近。加味復元通氣散主之。

歸身酒浸 川芎 小茴炒 補骨脂炒 元胡索

牛膝 桂心 丹皮各一錢 水煎再用木香五分磨

汁和之。兼調乳香沒藥末各五分服。

有因產時起伏。閘閼。挫閃。腎氣及帶脈者。亦或腰痛。並用前方。

產後遍身疼痛

問遍身疼痛者何。曰產時骨節開張。血脈流散。遇氣

衰弱則經絡肉分之間血多凝滯骨節不和筋脈不舒故腰背不能轉側手足不能屈伸而痛也勿作風寒用汗劑宜趁痛散主之 全歸酒浸 桂心 白朮 牛膝酒浸 黃耆 獨活 生薑各一錢 炙甘草 薤白各五分 水煎熱服

又有因新產氣虛久坐多語運動用力遂致頭目昏眩四肢疼痛寒熱如瘧自汗名曰蓐勞勿作傷寒誤投汗劑白茯苓散主之 白茯苓 歸身 川芎 桂

心 仁芍 酒炒 黃耆 炙 人參 熟地 各一錢 豬腰

子一對 去脂膜切片 煎湯一盞 去腎 薑三片 棗二枚 同

藥煎服

予按蓐勞之症。或因臨產時。生理不順。憂恐思慮。內傷其神。展轉闌閤。外勞其形。內外俱傷。形神皆瘁。或因新產後。血氣未復。飲食未克。起居無度。言語不止。調攝失宜。情欲失禁。外感風寒。內傷飲食。漸成羸瘦。百病交作。苟非良工。妙劑。鮮有不成癆瘵而斃者。宜

常服十全大補湯。又早用地黃丸。加歸身牛膝。

肉苁蓉用酒洗五味子柏子仁各二兩日服

人參白朮散作丸服之。常煮腰子粥以助之。大效。

在腰子粥。法煮取豬腰子一對去脂膜薄切如

柳葉大用鹽酒拌合一時水三盞糯米三合瓦罐

煮粥入蔥花椒末調和得宜食之。

虛証雜見成瘵勞者。驚甲湯。方列無痰覺虛當

歸羊肉湯。方列產後骨蒸先服清骨散後服保

正湯

方俱列

寒熱如瘧。百節煩痛。頭疼自汗。肢體倦怠。咳嗽痰逆。腹中絞痛。當扶正為主。六君子加當歸。脾虛氣弱。咳嗽口乾。異功散加麥冬。五味子。

氣虛頭暈。補中益氣。倍用歸芪。肝經血虛。肢體作痛。四物加參苓朮桂。肝腎虛弱。自汗盜汗。往來寒熱。六味丸加五味子。脾虛

血弱腹痛月經不調。歸脾湯。倍木香。血虛有熱。增損柴胡湯。方列骨蒸勞熱。咳嗽有紅者。異功散。去白朮。加山藥。丹皮。五味。阿膠。童便。熱而無痰乾咳者。逍遙散。用蜜煎。薑並蜜蒸白朮。

產後虛損。不時寒熱。或經一二載。元神不復。月事不轉。先與千金當歸芍藥湯。方列後與烏骨雞丸。見上調經門

產後腹痛

立按敗血入腹。與傷風冷飲食之辨。在手不可近。與按之即止。

問腹痛者何。曰。女人之血。未有胎時。則爲經水。經水不來。則病。產時。則爲惡露。惡露不來。則病。故產婦中氣多虛。不能行血。血斯凝滯。或閉而不來。或來而不盡。敗血入腹。則爲腹痛。乍作乍止。其痛如刺。手不可近。黑神散主之。見產後血暈。敗血隨其所止之處。無不成病。

或產後血虛外受風冷之氣內傷寒涼之物以致腹痛者得人按摩畧止或熱物熨之畧止者是也當歸建中湯主之。歸身酒洗白芍酒炒桂心炙甘草各二錢薑五片棗三枚水煎入飴糖三匙攪勻熱服。

或小腹痛者臍下胞胎所繫之處血之所聚也產後血去不盡卽成痛症其症無時刺痛痛則有形須臾痛止又不見形黑神散主之。

又有因產時寒風客於子門。入於小腹。或坐臥不謹。使風冷之氣乘虛而入。此寒疝也。但不作脹。且無形影爲異。金鈴子散主之。川練子去核小茴炒補骨脂桂心各一錢薑引水煎加木香一錢水磨汁和勻食前熱服

產後腹痛。先問血塊。如有只服生化湯。甚則調失笑散。列若風冷乘虛入腹。或內傷寒涼之物作痛。人按摩畧止。或熱物熨之畧止。宜

加味生化湯產後惡露或因外感六淫內傷
七氣致令斬然而止瘀血壅塞所下不盡故
令腹痛當審因治之如產後數朝內飲食如
常忽作腹痛六脈沉伏四肢厥冷此惡血不
盡傷食裹血而脈不起也不可誤認氣血兩
虛而用大補須兼消導引血之藥但產後惡
露不盡留滯作痛亦常有之然與虛痛不同
必其由漸而盛或大小便不行或小便鞭實

作脹。痛極不可近手。或自下上冲心腹。或痛極。牙關緊急。有此實症。當速去之。近上者。宜失笑散。近下者。宜通瘀煎。方列未效。用決滯煎。方列爲善。又有腹痛。定於一邊。及小腹者。此是側卧。敗血留滯所致。亦用決津煎爲當。產後腹中疔痛。蓋緩緩痛也。客寒相阻。當歸生薑羊肉湯。方列主之。婦人產當寒月。寒氣入產門。臍下腹痛。手不可犯。此寒疝也。亦宜當歸生

薑羊肉湯密齋云。產時寒氣客於子門。入於小腹。或坐卧不謹。使風冷之氣乘虛而入。此寒疝。但不作脹。且無形影爲異。治以金鈴子散。前方。予考金匱密齋之論寒疝不同。金匱云。臍下腹痛。手不可犯。蓋有寒凝瘀滯也。密齋云。但不作脹。且無形影。是無瘀滯也。又有產後脾虛腎虛。而爲腹痛者。此不由產。而由臟氣不足。若脾氣虛寒。爲嘔吐。爲食少。而兼腹

痛者宜六子煎及六君子湯方列主之。若腎氣

虛寒為瀉為痢而兼腹痛者宜胃關煎方列或

理陰煎方列主之。馮氏用六君子湯送四神丸

方列若胸膈飽悶或惡食吞酸腹痛手不可按

此飲食所傷以傷食而參治。若食消而仍痛按

之不痛更兼頭痛煩熱作渴惡寒欲嘔等証

此是中氣被傷宜溫補脾胃為主。若發熱腹

痛按之痛甚不惡食吞酸此乃瘀血停滯失

笑散消之。若止發熱。頭痛腹痛。按之却不痛。此是血虛初產。生化湯之。加四物加炮薑參朮。產後惡露既去。而腹仍痛。四神散。芎芩各一錢。歸二錢。炮薑五分。蓋白芍炒透而與炮薑合用。故血虛瘀痛可用。也不應八珍湯列方治之。

兒枕痛小腹痛

血塊作痛。俗名兒枕。生化加元胡索。然有產婦小腹痛。服行氣破血藥不效。其脈洪數。

此瘀血內潰爲膿也。是因營衛不調。瘀血停滯。宜急治之。緩則腐化爲膿。最難治療。若流注關節。則患骨疽。失治多爲敗証。脈數而洪。已有膿下之愈。若腹脹大。轉側作水聲。或膿從臍出。或從大便出。用蠟礬丸。方列太乙膏。方列下膿而愈。

問兒枕痛者何。以腹中有塊。上下時動。痛不可忍。此由產前聚血。產後氣虛。惡露未盡。新血與故血相搏。

而痛。俗謂之兔枕痛。卽血瘀之類也。當歸延胡索湯

主之。歸身尾酒洗延胡索各一錢五分五靈脂各一錢蒲黃各一錢

錢

赤芍各七桂心各七紅花五分酒水各一盞煎一

盞入童便一杯同服。

〔又羊肉湯〕通治上腹痛。小腹痛。兒枕痛之神方也。

專治虛羸。精羊肉四兩當歸酒浸川芎各五錢生薑一兩

水十盞煎三盞分四服。

痛後頭痛

宜服生化加減 感冒參蘇芎歸湯 參

蘇 芎 歸 干葛

問頭痛者何。曰人身之中。氣為陽。血為陰。陰陽和暢。斯無病。蓋產後去血過多。陰氣已虧。陽氣失守。頭者諸陽之會。上湊於頭。故為頭痛。但補其陰血。則陽氣得從。而頭痛自止。芎歸湯主之。川芎 當歸 各五錢

蔥白

連鬚五根

生薑

五片 炮乾

水煎食後服

又有敗血停留子宮。厥陰之位。其脈上貫頂巔。作頂

顛痛者黑神散主之

產後發熱

問發熱者何。曰產後血虛則陰虛。陰虛生內熱。其症
心胸煩滿。吸吸短氣。頭痛悶亂。晡時轉甚。與大病後
虛煩相似。人參當歸散主之。人參 歸身酒浸熟地

桂心 白芍

酒炒各一錢五分

麥冬

錢一水二盞先以粳

米一合。淡竹葉十片。煎至一盞。去米葉入藥。並東

三枚煎七分。溫服。熱甚加炒乾薑一錢。

產後大熱。必用乾薑何也。曰此非有餘之熱。乃陰虛生內熱也。故以補陰藥大劑服之。乾薑能入肺和肺氣。入肝引血藥生血。但不可獨用。必以入補陰藥。此造化自然之妙也。

又有^{發熱}頭痛似太陽証。或寒熱頭痛脇痛。似少陽証。皆由氣血兩虛。陰陽不和。狀類傷寒。治者慎勿輕產。而以麻黃湯治太陽。以柴胡湯治少陽。宜辛散生化湯以散之。_{見列方}

產後發熱。當分塊痛有無。七日內。倘有塊痛。及初產時發熱。自宜生化湯爲妙。其參芪柴朮地芍。尚須緩用。若無塊痛。四君子湯加芎歸炮薑黃芪。亦甘溫除大熱意也。大熱面赤大渴。脈洪大而虛者。黃芪當歸等分煎服。馮氏用四物湯爲君。去川芎。生地。換熟地。加軟苗柴胡。人參。炮薑。治熱最效。

產後乍寒乍熱似瘧

問寒熱似瘧者何。曰敗血未盡。陰陽不和。皆能發寒熱也。何以別之。曰敗血爲病。則小腹刺痛。此爲異耳。故敗血未盡者。以去滯爲主。陰陽不和者。以補虛爲主。若作瘧治。誤矣。

敗血不盡。乍寒乍熱者。蓋因敗血留滯。經脈皆閉。榮衛不通。閉於榮。則血甚而寒。閉於衛。則陽甚而熱。榮衛俱閉。則寒熱交作。榮衛氣行。卽解矣。惟黑神散。卷荷散。爲去滯血之要藥也。初出卷荷。

紅花 歸尾 蒲黃 牡丹皮 生地 各一錢 薑三

片童便一碗水煎熱服

陰陽不和乍寒乍熱者因產後氣血虧損陰陽俱

虛陰虛則陽勝而熱陽虛則陰勝而寒陰陽俱虛

則乍寒乍熱增損四物湯主之 歸身 酒浸 白芍 酒炒

川芎 乾薑 炒焦 人參 各一錢 炙甘草 五分 薑三片棗

三枚水煎服寒多熱少者加桂一錢 熱多寒少

者加柴胡一錢乾薑減半 煩渴者加知母麥冬

各一錢、食少者加陳皮白朮各一錢、虛倦甚者加蜜炙黃耆一錢

附辨似瘧真瘧

似瘧寒不凜凜熱不蒸蒸發作無時亦不甚苦此正氣虛而無邪者也。真瘧寒則湯火不能禦熱則冰水不可解發作有時煩苦困頓此正氣虛而邪氣相搏者也。

陰勝寒多理陰煎陽勝熱多三陰煎陽氣陷

入陰中。補陰益氣煎。陰陽俱虛。八珍十全俱
可用。敗血不散。而作寒熱。決津煎。殿胞煎。俱
方列

產後癰疾

問癰疾者。曰。氣血俱虛。榮衛不固。脾胃未復。或外
感風寒。內傷飲食。皆能成癰。又有胎前病癰。產後未
愈者。產後之癰。最難調理。只以補虛扶正爲主。正氣
勝。則邪氣自退。不可輕用截藥。重虛正氣。爲害甚大。

增損柴胡四物湯主之。北柴胡 人參 半夏 泡

炙甘草 歸身 酒洗 川芎 乾薑 桂心 薑二

片棗三枚水煎不拘時溫服。凡瘧加黃芩蜜炙

鱉甲醋炙 各二錢

產後渴

問渴者何。曰胃者水穀之海。津液之府也。產後去血過多。津液內耗。胃氣暴虛。頓生內熱。故口渴咽乾而渴也。加味人參麥冬湯主之。人參 麥冬 生地

栝樓根

炙甘草

各二錢

先用粳米一合淡竹葉

十片煎湯一盞去米葉加薑三片棗二枚煎七分

溫服

產後汗出不止兼變證

問汗出不止兼變症者何曰血爲榮行乎脈中氣爲衛行乎脈外相須爲守者也產後去血過多榮血不足衛氣失守不能斂皮毛固腠理故汗洩易出也宜急止之恐風寒乘虛而入變生他症宜麻黃根湯主

之。歸身

酒洗

黃耆

蜜炙

麻黃根

人參

炙甘草

各一錢五分

水二盞以浮麥一合煮至一盞去麥入藥

再煎至七分調牡蠣粉

煨

另研二錢

如眩暈汗出者此名胃汗虛極也急用人參 炙甘

草 炙黃耆

各二錢

附子

製一錢

水煎幹開口灌之大

抵此危症甚難救

如汗出不止風邪乘之忽然悶倒口眼喎斜手足攣

曲如角弓反張者此瘧病也急用

桂枝

葛根

白芍 炙甘草 炙黃耆

歸身各二錢 熟附子五分

水煎幹開口灌之此亦危症難救

血塊作痛著尤未可據加如倦甚澱澱汗出
形色又脫速灌加參生化湯母拘泥塊痛俟
汗出參多汗不止必發柔痙用十全大補不
應加附子無塊痛者當用之若服參耆重劑
而汗多不止及頭汗出不至腰足者難治

立按十全大補湯加防風止產後汗出神效

四君子四物加黃耆肉桂卽十全大補湯

盜汗非自汗可比。宜止汗散主之。人參二錢

麻黃根

一錢五分

當歸

熟地

各三錢有血塊不用

黃連

五分

浮麥

一錢

一方用牡蠣

五錢

炒麥麩

八兩

二味和服三

五錢猪肉汁調服

產後中風

問中風者何。曰產後正氣暴虛。百節開張。風邪易入。

調理失宜。風卽中之。不省人事。口目蠕動。手足攣曲。身如角弓。此風外中者也。愈風湯主之。羌活 防

風 當歸

酒洗

川芎

白芍

酒炒

桂心

黃耆

天麻

秦艽

各一錢

薑棗引水煎熱服

又曰。諸風振掉。皆屬肝木。肝爲血海。胞之主也。產後去血過多。肝氣暴虛。內則不能養神。外則不能養筋。以致神昏氣少。汗出膚冷。眩暈卒倒。手足痲癱。此肝虛生風。風自內生者也。用當歸建中湯加黃

著

人參

各一錢

熟附子

五分

薑棗引去鉛糖

如痰迷心竅神氣不清恍惚昏眩者用琥珀壽星丸
人參煎湯下

產婦少血濡養多有陰虛內熱熱極生風雖
外症如風內實陰虛不足氣無所主卒爾口
噤牙緊唇青肉冷汗出或唇口喝僻手足筋
脈攣摘諸症類於中風者或因血氣耗損膜
理不密汗出過多神無所主致角弓反張此

乃厥陰虛極類瘕瘕者在傷寒之家雖有剛柔之分而產後無非血燥血枯之証總宜養陰補血血長而虛風自滅任其痰火乘虛泛上皆當以末治之母執偏門而用治風消痰之方初產當服生化湯以旺新血如見危證三帖後卽用人參益氣以救之如有痰有火或少佐橘紅竹瀝薑汁其黃連芩柏不可並用胆星蘇子尤不宜加如產已數日腹無塊

痛。卽用滋榮活絡湯。方列如語澁四肢不利宜

天麻湯。密齋治語言蹇澁。加味生麥散。治汗

多口噤。背反氣微類症。用止汗生血飲。方列治

無汗筋攣。用歸芎棗仁湯。方列昔立齋用十全

大補湯。方列治口噤空閑灌之不得下令側其

面出之。仍灌熱者。又冷。又灌數次。卽能下而

甦矣。斷噤則灌入鼻中。卽甦。此古人急救灌

法。不可不知。至於治口噤不能爲語。峻補之

中少兼通心氣之藥以七珍散方列通心氣馮

氏治產後癰癰用八珍方列加鈎藤丹皮以生

陰血不應用四君子方列芎歸丹皮鈎藤補脾

土若肢體惡寒脈微細者爲正狀脈浮太發

熱煩渴爲假象惟當固本爲善若無力抽搐

戴眼反折汗出如珠兩手撮空不治尊生治

產从拘攣不宜補者用舒筋湯方列治之

昔有一婦因胎前過月不生忽患子癰醫者

婦人經水不調
卷一
二
三

誤認傷寒胎死。用承氣調天水散下之。及產
後惡露卽停不行。此原非瓜熟自落。乃惡露
隨胎爲藥所逐。則一時盡下。非有瘀滯不行
也。所以醫者不問痛塊有無。用丹皮澤蘭等藥。
以致有形之血不生。無形之氣更傷。是以隨
變神脫。妄言妄見。虛火引痰上升。治者猶不
知此孤陽浮越之候。復不辨脈証。仍進逐瘀
退熱之劑。病勢愈深。豈不知辛散消克。則神

愈亡而血愈竭。以故心血竭而妄言愈甚。肝
血竭而內虛生風成搐。肺氣竭而發喘。鼻孔
黑如烟煤。脾氣竭而四肢不爲所用。胃中元
氣告匱。不能散精。痰壅愈甚。治之者仍不識
爲虛。反用胆星蘇子以化痰降氣。梨汁以清
痰降火。僵蠶柴胡天麻以止搐。諸如此等藥
類。雜進交攻。罔知顧本。遂致殞命。良可慟也。

怔忡驚悸虛煩煩燥

產婦憂驚勞倦。去血過多。則心中燥動不寧。謂之怔忡。若惕然而驚。心中怯怯。如人將捕之狀。謂之驚悸。二證惟調和脾胃。補養心血。俾志定神足。氣舒心安。而病自愈。如分娩後血塊未消。宜服生化湯。以補血行塊。連服數劑。則血旺而怔悸自平。不必加定志安神之藥。如塊痛已止。服加減歸脾湯。列如心中驚悸。目睛不轉。而不能動。宜養血佐以安神藥。

養心湯

方列

主之素壯火盛者兼服安神丸

方列

麻瞖

產後麻瞖皆因氣血虛少不能充溢乎週身

宜十全大補湯

方列

或去血過多手足發麻小

腹大痛則遍體麻暈欲死此非惡露凝滯乃

虛中挾痰六君子湯

方列

加炮薑香附當歸曾

治一婦產後右半身麻瞖而昏暈不省人事

發卽胸膈痞悶下體重著或時心神動搖若

無心肺之狀。頃則週身冷汗如漉。大吐痰涎。而蘇。此產後經脈空虛。痰飲乘虛而襲。因與六君子湯。加歸朮肉桂。隨手而效。復有一婦。產後左半身麻痺。昏暈不省人事。發則週身大痛。筋脈痠疼。肌肉攢動。或時頭面赤熱。或時腿上振振動搖。頃則蒸蒸汗出而蘇。此產後營血大虧。虛風所襲。用十全大補湯治之。諸證悉平。但麻痺不止。後與地黃飲子。方列而

安。

產後傷寒

問產後傷寒者何。曰氣血俱虛。榮衛不守。起居失節。調養失宜。傷於風。則衛受之。傷於寒。則榮受之。而成傷寒也。只以補虛為主。隨証以末治之。五物湯。人參。歸身。川芎。白芍。酒炒炙甘草。各等分薑三片。葱白三根。引水煎服。

有汗曰傷風。本方加桂枝。防風。無汗曰傷寒。

本方加麻黃 蘇葉 寒熱往來本方加柴胡

頭痛本方加藁本 細辛 遍身痛本方加羌活

蒼朮 但熱不惡寒加柴胡 葛根 發熱而

渴加知母 麥冬 淡竹葉

產後霍亂吐瀉

問霍亂吐瀉者何。曰脾胃者氣血之本也。產後血去氣損。脾胃亦虛。風冷易乘。飲食易傷。少失調理。卽有霍亂。心腹絞痛。手足逆冷。吐瀉交作等症。加味理中

湯主之。人參一錢白朮土炒二錢炙甘草一錢乾薑

炮一錢陳皮藿香厚朴薑製各一錢生薑五片煨水

煎溫服無時須用於塊痛已除之後

痛塊未除生化六和湯方列已除溫中散方列

無塊痛而手足厥冷附子散方列或加味理中

湯

產後泄瀉

問泄瀉者何。曰產後中氣虛損寒邪易侵。若失調理。

外傷風寒。內傷生冷。以致脾胃疼痛。泄洩不止。理中湯主之。如泄不止者。再加肉豆蔻。麩包煨熟。去麩搗碎。竹紙包固兩三層。用厚磚二塊燒熱。將包好肉蔻夾於中間。去油以淨爲度。沖入藥內飲之。

產後泄瀉及完穀不化并遺尿。

產後中氣虛弱。傳化失職。故泄瀉不外氣虛。食積與濕。然惡露未除。又難驟補峻消。急燥當先用蓮子生化湯三劑。方列化舊生新。然後

用健脾利水生化湯

方列

或補氣或消食或化

積或燥濕分利因證加入對證之藥始無滯

澁虛虛之失至產後旬日外方可與雜證同

論然宜量人虛實而治如痛下清水腹鳴米

穀不化者以寒瀉溫之糞色黃肛門痛以熱

瀉清之飲食傷脾噯氣味如敗卵以食積消

之飲食減少食下腹鳴腹急盡下所食之物

方覺暢快以脾虛食積而消之丹溪云產後

虛瀉。眼昏不識人。危證。用參苓朮附湯。

方列救

之。又胎前久瀉。產後不止。以致虛脫。須從權

服參苓生化湯。以扶虛。仍分塊痛不痛。加減

而治。凡瀉兼熱。切勿用苓連梔柏。兼痰切勿

用半夏生薑。如瀉而渴。參麥飲。以回津液。

產後脾瀉不止。參苓蓮子飲。

見圓機泄瀉門

完穀

不化。因產後勞倦脾傷。以致衝和之氣不能

化而物完出焉。病名飡瀉。又飲食太過。脾胃

受傷亦致完穀不化。俗呼水穀痢。然產方三
日內血塊未除。患此脾敗胃弱之症。未可遽
加著朮。且服加味生化湯。方列俟塊消散。服參
苓大補生化湯。方列如胃氣虛瀉利黃色。用補
中益氣湯。方列加木香治之。若久瀉痢虛者。參
耆散。方列久瀉元氣下陷。大便不禁。肛門如脫。
宜加味六君子湯。方列若見完穀不化。色白如
糜。此脾胃大虛。元氣虛脫之候。十有九死。惟

猛進溫補之劑。庶可挽回。卽有煩燥發熱面赤。脈來數大。皆虛火上炎之故。當並進桂附人參甘草乾薑苓朮之類。伏龍肝煎湯代水煎服。乃得收功。若小便混濁如泔。或大便中有白沫如腸垢者。乃元氣下陷之故。並宜補中益氣湯。方列加桂苓炮薑升舉之。或瀉臭水不止。加蘄艾香附吳茱萸。若兼瘀結不通。腹脹喘急。雖神丹亦無濟也。如大便不知爲遺。

尿補中益氣湯加肉蓯蓉故紙。

產後吐血及口鼻黑氣起而衄並舌黑。

產後吐血諸書皆稱難治以其上下脫也。產

後鼻衄乃氣血逆行所致。用紫蘇飲列方入童

便荆芥灰治之。良方以荆芥焙爲末童便服

二錢。尊生用犀角生地赤芍合二味參蘇飲。

如口鼻黑氣起而衄者難治。蓋五臟之華皆

上注於面。凡紅赤者陽熱之生氣也。青黑者

陰寒之絕氣也。况口鼻爲陽明多血多氣之經。而見陰寒慘殺之氣。則胃中陽和之氣衰敗。可知。復至鼻衄。則陽亡陰走。胃絕肺敗。陰陽兩亡。故不可治。但有禳厭一法。或可望生。急取緋線一條。並產婦頂心髮兩條。繫繫中指節上。卽止。立齋云。急用三味參蘇飲。列治之。亦有得生者。如前證再兼舌紫黑者。爲血先死不治。蓋心主血。少陰氣絕。則血不上。廢。

耳汪石山治一婦產後血逆上行鼻衄口乾
心燥舌黑因瘀血上升遂用益母丸二九童
便化下衄漸止血漸通此條當與三衝門參
看。

三衝論

產後危症莫如敗血三衝其人或歌舞談笑
或怒罵坐臥甚者踰牆上屋口咬拳打山腔
野調此爲敗血衝心多死醫通云花蕊石散

列最捷。但不可輕用如雖悶亂不致顛狂者失笑

散。列方加鬱金。予謂當於產後乍見鬼神門參

看治療。

若其人飽悶嘔惡腹滿脹痛者為之衝胃。醫

通云用平胃散。列方加薑桂。宋可輕用予謂當於

飽脹嘔逆門參看治療。

若其人面赤嘔逆欲死為之衝肺。醫通云二

味參蘇飲。列方甚則加芒硝蕩滌之。予謂當於

口鼻黑。衄門。參看治療。

大抵衝心。十難救一。衝胃。五死五生。衝肺。十全一二。其醫通所用各藥。亦無可如何之思。與其視死。不若救生之意。予謂此等症。宜用生化失笑抵聖等。平穩藥為主。各俱載論列當與圓機產後妄言妄見斟酌施治。

產後痢疾。詳論圓机

問痢疾者何。曰。濕多成泄。暴注下迫。皆屬於熱。赤白。

痢者乃濕熱所爲也。故赤者屬熱。自小腸而來。白者屬濕。從大腸而來。俗云赤屬熱。白屬寒。非也。無積不成痢。蓋由產母平日不肯忌口。傷於飲食。停滯於中。以致中氣虛損。不能調理。宿積發動而爲痢也。亦有因子下之時。覺腹中空虛。縱食雞蛋與雞以補虛。殊不知飲食自倍。脾胃乃傷。胃強氣弱。難以剋化。停滯而成痢也。務宜詳審斟酌。以施治法。庶不誤人。如果新產飲食過傷。其症腹中脹痛。裏急窘迫。身熱。

口渴六脈數實宜下之用加味小承氣湯枳實炒

厚朴薑製各二錢大黃酒炒五分檳榔一錢五分炙甘草

錢一薑三片水煎熱服以快便為度中病即止後用

四君子湯加陳皮和之

如新產後米有所傷其症其脈與上却同者此宿食

為病也宜消而去之用枳實湯枳實炒木香

炙甘草各一錢厚朴薑製二錢檳榔一錢五分薑三片水

煎服以快利為度後用四君子湯加陳皮和之

如無新舊食積。下痢赤白。腹痛窘迫。脈沉數者。此虛痢也。宜行氣和血爲主。用當歸芍藥湯。當歸身

白芍

酒炒

人參

白茯苓

陳皮

各一錢

枳壳

炒七分

炙甘草

木香

各五分

黑乾薑

三分

烏梅

一個

水煎

食前服

如久痢不止者。此氣虛血少。腸滑不禁也。宜四君子

湯加白芍

烏梅

罌粟壳

大棗主之

又有產後惡露不下。以致敗血滲入大腸。而利鮮血

者腹中刺痛裏不急後不重是也。用枳壳炒一錢五分

荊芥穗畧炒二錢五分水煎服神效

產後大便閉澁不通

問大便秘者何。曰人身之中腐化糟粕運行腸胃者氣也。滋養津液灌溉溝瀆者血也。產後血虛而不運故糟粕壅滯而不行。血虛而不潤故溝瀆乾澁而不流。大便不通乃虛秘也。不可誤用下劑。反加閉澁。宜潤燥湯主之。

人參 甘草各五分 歸身尾 生地

枳壳各一錢

火麻子去壳槌碎

桃泥各二錢

檳榔五分磨汁

先將上六味水煎熟去渣後入桃泥檳榔汁和勻服

更用蘇木粥

真蘇子一合

火麻子三合

共搗如

泥以水一盞濾汁再搗再濾汁盡爲度用和粳米煮粥食之甚妙老人虛秘尤宜常用

多服生化湯則血旺氣順自潤而通竟有服至大料芎歸數斤方得取效慎勿執偏門而

輕產。倘順之不通。用蜜煎成膏。入水捏成棗
入肛門。或削醬瓜醬薑如蜜棗導法。忌用
猪胆汁導。血虛火燥。四物湯加何首烏。
去血過多。十全大補湯。氣血俱虛。用八珍
湯。數日不通。飲食如常。腹中如故者。八珍
湯加桃仁杏仁治之。

病涉虛損。不宜攻擊。若勢有不得不用通者。
用濟川煎。方列主之。此用通於補之劑也。

產後小便不通或短少

問小便少者何。曰膀胱者州都之官。津液藏焉。氣化則能出矣。產後氣虛。不能運化。流通津液。故使小便不通。雖通而亦短少也。勿作淋秘。輕用滲利藥。使氣益虛。病益甚。宜加味四君子湯主之。人參 白朮

白茯苓 炙甘草 麥冬 車前子 各一錢 桂心 五分

薑三片水煎食前服

又有惡露不來。敗血停滯。閉塞水瀆。小便不通。其症

小腹脹滿刺痛。乍寒乍熱。煩悶不寧。加味五苓散主之。
豬苓 澤瀉 白朮 茯苓 桂心 各一錢 桃
仁 去皮 紅花 各二錢 水煎服。

產後淋

問淋者何。曰此亦血去陰虛。生內熱。症。蓋腎為至陰。主行水道。去血過多。真陰虧損。一水不足。二火更甚。故生內熱。小便成淋。而澀痛也。加味導赤散主之。
生地 赤芍 木通 去皮 甘草梢 麥門冬 黃

柏 知母

桂心各一錢

燈心

四十九寸

水煎調益元

散二錢服

問前言小便不通。後言淋秘二症何別。曰不通者屬氣虛。淋屬內熱澀痛。以此別之。

血虛熱鬱。用六味丸。逍遙散。補陰養血。滋其本源。佐以導血藥可也。

膀胱陰虛。而小便淋瀝。全科六味合生脈散。大劑煎成。陸續通之。或補中益氣湯兼服。

六味地黃丸。

產後淋、小便痛、及血淋。加減茅根湯。方列濟陰

加減四物湯。方列

產後尿血

問：弱血者何？曰：小腹痛者，乃敗血流入膀胱。小腹不痛，但溺時澁痛者，乃內熱也。並用小蘗湯主之。小

蘗根 生地 赤芍 木通 蒲黃 甘草梢

淡竹葉 各一錢 滑石 二錢 燈心 四十九寸 水煎服。敗

血加歸梢

紅花

各一錢

兼內熱加黃芩

麥冬

去心

各一錢

大便血。或飲食起居失宜。或六淫七情太過。

致元氣虧損。陰絡受傷。四君子加生地。升

麻。歸身。髮灰。白芍治之。尊生用加

味腎氣。去桂。附加生地髮灰。

產後小便數及遺尿不禁

問小便頻數不禁者何。曰下焦如癆。所以至瀉洩也。

產後氣血虛脫。溝瀆決裂。諸畜不固。水泉不止。故數而遺也。下者舉之。脫者澁之。宜用升陽調元湯合桑

螵蛸散主之。人參 炙黃耆 炙甘草 升麻

益智子

去壳炒各一錢五分

薑棗引水煎調桑螵蛸散服

桑螵蛸散

真桑螵蛸

白龍骨

煨

牡蠣

左顧者煨各等

分細研末每調服三錢

又有產前穩婆用手誤指胞破者。以致小便不禁。宜

用參朮湯。

人參

二錢五分

白朮

二錢

炙黃耆

一錢五分

婦科備考

卷一

產後小便數遺尿

三

陳皮

去白

桃仁

去皮尖

茯苓

各一錢

炙甘草

五分

先用

豬胞或羊胞一箇洗淨水二盞煎至一盞去胞入藥煎七分食前服多劑乃佳。

或以參朮膏煎以豬羊胞湯極飢時飲之令氣血驟長不過月餘其胞可完。

氣虛不能制水補中益氣加車前茯苓遺尿不知補中益氣湯腎虛不固者六味丸加益智膀胱氣虛小便頻數補中益氣湯。

加山萸山藥爲主。佐以人參。罌硝散。方列虛寒

以致數遺。益心湯最妙。方列小便不禁。補中湯

送還少丹。方列脾胃虛寒。八味丸。

產後咳逆

問咳逆者何。曰。此氣從胃中出。上衝噴門。吃臍而作聲也。有胃氣虛寒者。有中氣不足。衝任之火直犯清道而上者。有飲水過多。水停而逆者。有大小便閉下焦不通。其氣上逆者。有胃絕者。大約產後咳逆。乃胃

虛氣寒症也。加味理中湯主之。人參 白朮 炙

甘草 乾薑 炮 陳皮 各一錢 丁香 五分 乾柿蒂 二錢

水煎服。有熱去丁香。加竹茹二錢。如虛羸人甚。飲食減少。咳逆者。胃絕也。難治。

醫通云。產後氣血俱虛。風冷搏氣而逆上。乃

胃氣虛寒之極。最爲惡候。理中湯加丁香。

古方以丁香豆蔻伏龍肝爲末。用桃仁吳黃煎湯調下一錢。如人行五里再服。未應急投。

參附遲則不救、

產後浮腫

問浮腫者何。曰產後敗血不盡。乘虛流入經絡。與氣相雜。凝滯不行。腐化為水。故令四肢浮腫。乍寒乍熱。勿作水氣治。輕用滲利藥。但服調經湯。使氣血流行。腫自消也。歸身酒洗 赤芍 丹皮 桂心 赤茯苓

苓 炙甘草 陳皮各一錢 細辛 乾薑名五分薑

引煎服

又有產後虛弱。腠理不密。調理失宜。外受風濕。面目
虛浮。四肢腫者。加味五皮湯主之。桑白皮 陳皮
茯苓皮 大腹皮 薑皮 漢防己 枳殼 麸炒
豬苓 炙甘草 薑引水煎服

產後惡露不止

問惡露不止者何。曰。產後衝任損傷。氣血虛憊。舊血
未盡。新血不斂。相併而下。日久不止。漸成虛勞。當大
補氣血。使舊血得行。新血得生。不可輕用固澁之劑。

致敗血凝聚。變為癥瘕。反成終身之害。十全大補湯。

正之。如小腹刺痛者。四物湯加延胡索。蒲黃炒。

乾薑炒主之。血崩門亦可參看同治。

產後月餘淋瀝不止。升陷固血湯。血熱保。

陰煎。因傷衝任之絡。固陰煎。肝脾氣虛。

壽脾煎。氣血虛。大補元煎。俱載列方

產後惡露不下。不可用大黃等藥。

問惡露不下者何。曰此有二症。治各不同。或因子宮。

素冷停滯不行者。黑神散主之。此必小腹脹滿。刺痛
無時也。或因脾胃素弱。中氣本虛。敗血亦少。氣乏血
阻。不能盡下。其症乍痛乍止。痛亦不甚。加減八珍湯
主之。人參一錢。白朮二錢。白茯苓二錢。炙甘草一錢。
歸身三錢。川芎一錢五分。熟地三錢。延胡索一錢。香
附一錢。薑棗引水煎食前服。

用生化湯倍桃仁。調失笑散。生新行瘀。頻以
黑沙糖沖滾湯。少滴無灰酒服。每每獲效如

素不用酒。不加亦可。

一婦服峻厲之劑。惡露隨下。久而昏憤。以手護其腹。此脾氣復傷。作痛。故以手護。用人參理中湯。加肉桂二劑而愈。

產後眼見黑花昏眩

問眼見黑花昏眩者何。曰惡露未盡。敗血流入肝經。肝開竅於目。故眼見黑花。諸風振掉。皆屬肝木。故爲昏眩。用前清魂散加牡丹皮一錢煎服。

產後脇痛

問脇痛者何。曰此亦敗血流入肝經。厥陰之脈循行脇肋。故爲脇痛。證有虛實。宜分治之。不可誤也。如脇下脹。手不可按。是瘀血也。宜去其血。芎歸瀉肝湯主

之。歸尾 川芎 青皮 枳壳 香附童便製 桃仁

去皮 紅花各二錢 用水煎熟去渣入酒與童便各一

鍾服

有如脇下痛。喜人按其氣。閃動肋骨。狀若奔豚者。此

去血太多肝臟虛也。當歸地黃湯主之。歸身白

芍 酒炒 熟地 酒洗 人參 甘草 陳皮 桂心 各

錢五分 薑棗引水煎服

產後左脇痛小柴胡湯去黃芩加丹皮製

香附 薄桂 當歸 童便 右脇補中益

氣湯去升麻加 葛根 製半夏 茯苓

枳壳 麩炒 生薑引

產後不語

問不語者何。曰。人心有七孔三毛。產後虛弱。敗血停積。閉於心竅。神智不能明了。故多昏憤。又心氣通於舌。心氣閉。則舌強不語。七珍散主之。人參 生地

石菖蒲

川芎

各二錢

細辛

三分

防風

五分

水煎調

辰沙五分細研食後服

又有語言不清。含糊蹇澁者。蓋心主血。血去太多。心血虛弱。舌乃心之苗。血不能上榮於舌。萎縮卷短。語不能出也。加味生脈散主之。人參 麥冬 當歸

身 生地 炙甘草

石菖蒲

各一錢

五味子

十三粒

獾豬心一箇劈開水二盞煮至一盞半去心入藥煎七分食後服 兼治怔忡甚效

產後暴崩

問暴崩者何。曰產後衝任已傷。氣血未復。或恣慾勞動。胞脈或食辛熱。鼓動相火。或因惡露未盡。固澁太速。以致停留。一旦復行。須要詳審。先用四物湯倍加芎歸。再加人參。作大劑服之。扶其正氣。然後隨其所

傷加減調治。

因房勞者。本方加黃耆

甘草

炙

阿膠

炒

艾葉

因辛熱者。本方加白朮

白茯苓

甘草

黃連

炒

因劫澁者。本方加香附

桃仁

崩久不止。

只用

本方調十灰散服之。蓋崩本非輕病。產婦得之。是謂重虛。尤不可忽也。

產後瘕塊

問瘕塊者何。曰此惡露不盡之害也。蓋由新產惡露

不來。或來不盡。或產婦畏藥。雖有痛苦。強忍不言。或主人與醫。堅執產後虛補之說。不可輕用去血之藥。以致敗血停留。久而不散。結聚成塊。依附子宮。妨碍月水。阻絕嗣息。天其天年。欲治此者。必用丸藥。以漸摩之。非湯散旬日之力。香附醋煮四兩山萸肉去核

熟地 歸身 川芎各二兩牡丹皮去木延胡索

五靈脂 補骨脂炒各一兩荆三稜 莪朮俱醋煮煨

九肋鱉甲去肋醋炙枯桃仁另研木香 桂各一兩蜜丸

每空心用白朮陳皮湯下五十丸

產後玉戶不斂

問前症者何。曰女子初產。身體纖柔。胞戶窄小。子出不快。乃至折裂。浸淫潰爛。日久不斂。宜內服十全大補湯。外用敷藥。白芨 白龍骨 訶子 爛蜂壳

黃柏炒各等分爲細末。先用野紫蘇煎洗拭乾。

以此藥搽之卽效。又方用龜壳入乾夜合草於內。塞滿燒烟薰之自合。原註係補方

產後陰戶脫下。乃元氣不足。及陰挺突出。腫痛。清水淋瀝。用八珍湯加炙黃耆。防風。

升麻

各五分

或用補中益氣湯加醋炒白芍。

一錢

五味

十粒

或肉桂

五分

補而舉之。

如無腫痛。或腫既消而不閉者。以十全大補湯。或補中益氣湯加五味。或加半夏茯苓以健脾。

產後乳汁不通

問乳汁不通者何。曰或初產之婦則乳方長。乳脈未行。或產多之婦則氣血虛弱。乳汁短少。並用加味四物湯。當歸身 人參 川芎 赤芍 生地 桔

梗

甘草

麥冬

白芷

各一錢

水煎食後服

如因乳汁不行。身體壯熱。胸膈脹悶。頭目昏眩者。前方加木通 滑石末 更煮豬蹄湯食之。則乳汁自行。豬蹄淨洗煮爛。入蔥調和。並汁食之。又方入香油炒過。穿山甲同煮去甲。食蹄飲汁良。

水虧火勝而溢加減一陰煎 陽明血熱而
溢保陰煎或四君子加梔子 肝經怒火上
冲而溢加減一陰煎

乳巖

婦人乳巖原非產後之病。但乳巖乳癰皆痰
生乳房。治此症者。混同施治。誤世不淺。不得
不分別論明也。其乳癰起於吹乳之一時。非
同乳巖。由氣血虧損於數載。始因婦女。或不

得意於翁姑夫壻。或諸事憂慮鬱遏。致肝脾
二臟久鬱而成。初起小核。結於乳內。肉色如
故。圓棋子大。不痛不痒。十餘年後。方成瘡患。
爛見肺腑。不可治矣。初起之時。其人內熱夜
熱。五心煩熱。肢體倦瘦。月經不調。宜早爲治。
療益氣養榮湯。加味道遙散。方列多服漸散。氣
虛必大劑人參。專心久服。其核漸消。若服攻
堅解毒。傷其正氣。必致潰敗。多有數年不潰。

者最危。潰則不治。周季芸云。乳癰乳巖結鞭
未潰。以活鯽魚。同生山藥。搗爛。入射香少許。
塗塊上。覺痒極。勿搔動。隔衣輕輕揉之。七日
一塗。旋塗漸消。若在再歲月。以致潰腐漸大。
類巖色。赤出水深洞。臭穢。用歸脾湯。列等藥方
可延歲月。若誤用攻伐。危殆迫矣。曾見一婦。
乳房結核。如杯數年。諸治不效。因血崩後。日
服人參兩許。月餘參盡二斤。乳結霍然。此症

有月經者尚輕。如五六十歲無經者。不可輕
易看也。

乳懸

附方

產後瘀血上攻。忽爾兩乳伸長。細小如腸。直
過小腹。痛不可忍者。名曰乳懸。乃危證也。速
用當歸川芎各一斤。水煎濃湯。不時溫服。再
用二斤。逐漸燒烟。安在病人面前。棹子下。令
病人屈身低頭。將口鼻及病乳常吸烟氣。如

未甚縮再用一料。則瘀血消而乳頭自復矣。
若仍不復舊用草蓆子搗爛貼頂上片時。收
卽洗去。